

# সরযা

( পৌরাণিক নাটক )

শ্রীসুরেন্দ্রনাথ বন্দ্যোপাধ্যায় প্রণীত

প্রযোজক—

শ্রীশিশিরকুমার ভাট্টা

নব নাট্যমন্দিরে

প্রথম অভিনয়—১০ই আশ্বিন বৃহস্পতিবার, ১৩৪১

পঞ্চম সংস্করণ—অগ্রহায়ণ, ১৩৫৫

মুদ্রিত কলিকাতা লাইব্রেরী

১০৪, অপার চিংপুর রোড, কলিকাতা।

মূল্য দুই টাকা

প্রকাশক—

শ্রী প্রফুল্লকুমার ধর

১০৪, অপার চিৎপুর রোড, কলিকাতা-৬

গ্রন্থকার কর্তৃক সর্বস্বত্ব সংরক্ষিত

মুদ্রাকর—শ্রীপূর্ণচন্দ্র কুণ্ডু

বৈষ্ণবনাথ প্রেস

৩৬, ফকির চক্রবর্তী লেন, কলিকাতা-

# উৎসর্গ

মহাকাবি কৃত্তিবাসেন্ন  
পুণ্য-স্মৃতি উদ্দেশে  
এই নাটক খানি  
উৎসৃষ্ট হইল

প্রস্তুতকার

## নাটকীয় চরিত্র পরিচয়

পুরুষ

রাম, লক্ষণ, মারুতি, সুগ্রীব, অঙ্গদ, শুষেণ, নল, রাবণ, বিভীষণ.

কালনেমী, তরনী, শুক, সারণ, বিদ্যাজীহ্ব ।

স্ত্রী

সীতা, মন্দোদরী, সরমা, ত্রিভূট।

## প্রথম অভিনয় রজনীর অভিনেতৃগণ

রাবণ	...	...	শ্রীশিশিরকুমার ভাট্টা
বিভীষণ	...	...	শ্রীশৈলেন চৌধুরী
তরনীসেন	...	...	শ্রীমাণিক বন্দ্যোপাধ্যায়
কালনেমী	...	...	শ্রীশান্তীশীল গোস্বামী
সারণ	...	...	শ্রীকান্ত বন্দ্যোপাধ্যায়
শুক	...	...	শ্রীইন্দুভূষণ চক্রবর্তী
রাম	...	...	শ্রীবিখনাথ ভাট্টা
লক্ষণ	...	...	শ্রীকালীপদ মুখোপাধ্যায়
মারুতি	...	...	শ্রীপ্রবোধচন্দ্র দত্ত
সুগ্রীব	...	...	শ্রীকাশীনাথ হালদার
অঙ্গদ	...	...	শ্রীসত্যেন্দ্র গোস্বামী
শুষেণ	...	...	শ্রীশীতলচন্দ্র পাল
নল	...	...	শ্রীসুহাসচন্দ্র সরকার
সীতা	...	...	শ্রীমতী প্রভা
মন্দোদরী	...	...	শ্রীমতী কঙ্ক।
সরমা	...	...	শ্রীমতী রাণীবাল।
ত্রিভূট।	...	...	শ্রীমতী রাধারানী

# সৰমা

প্রথম দৃশ্য

রাবণের রাজসভা

[ দেবগণ, রাক্ষসগণ, চেড়ীগণ সভায় উপস্থিত । বেত্রবতী আসিয়া  
জানাইল রাবণ আসিতেছে । রাবণ সভায় আসিল ।

বন্দনা

জয়তু রাজ-রাজন্ রাবণ রাজা ।

জয়তু লঙ্কেশ্বর পৃথিবী-পতি মহীশ্বর—

ইন্দ্র চন্দ্র ষমাগ্নি বরুণ শশাঙ্ক

সুবতু চরণতলে রাজ-রাজন্ হে ।

জয় হে, জয় হে, জয় হে

জয় রাবণ রাজা ।

[ এই স্তুতিবাদ আজ রাবণের ভাল লাগিল না ; রাবণের ইঙ্গিতে

সকলে সভা ত্যাগ করিল ]

রাবণ ।

মানবী ! মানবী !

মানবীই যদি—

শিবের শিবানী তুচ্ছ—ইন্দ্রের ইন্দ্রানী ।

ত্রিলোক বিজয়ী আমি দুর্য়দ রাবণ ;

গর্বশ্রেষ্ঠা নারীরঙ্গ মোর । ]

সীতা—সীতা—সীতা ষোগ্যা মোর,  
 ভোগ্যা মোর, আশা মোর—সাধ বাঁচিবার ।  
 কে কাঁদে—কে কাঁদে—  
 (রাবণ গর্জনে বুঝি কাঁদে সমীরণ  
 কিম্বা কাঁদে বহুধরা ;  
 না—না—কে কাঁদে—কে কাঁদে !  
 গভ রজনীতে এই আর্তনাদ  
 স্বপ্নে শুনে উঠেছিছু জেগে—  
 কে কাঁদে না পেয়ে সন্ধান  
 স্বপ্ন স্থির করেছিছু আমি ;  
 কিন্তু আজ ত নিদ্রিত নহি—  
 পুনরায়—পুনরায়—)  
 না—না—সীতার ক্রন্দন নয়—  
 সীতা—সে ত অশোক কাননে,  
 তুচ্ছ ক'রি রাবণ পীড়ন নিঃশব্দে কাঁদিয়া যায় ।  
 না—না—এ ক্রন্দন অতীব নিকটে—  
 আমার সম্মুখে বেন—পার্শ্বে মোর—  
 লুকায়ে পশ্চাতে বেন  
 কে কাঁদিয়া ফিরে, আমারে অতিষ্ঠ করে !

( মন্দোদরীর প্রবেশ )

মন্দোদরী । আনন্দিত—মহারাজ, আমি আনন্দিত—  
 দেবতা বিজয়ী বীর বর্পী লঙ্কেশ্বর  
 ভীত, ভ্রস্ত, আজ বিচলিত ।

রাবণ । মিথ্যা কথা—

মন্দোদরী । আজ্ঞাপ্রবন্ধনা করিওনা মহারাজ !  
 ভয়ে ভয়ে গিয়েছিলে পঞ্চবটী বন,  
 ভয়ে ভয়ে গীতা চুরি করেছিলে তুমি,  
 ভয়ে ভয়ে এনেছ লঙ্কার,  
 ভয়ে ভয়ে খুঁজেছিলে নিরাপদ স্থান—  
 ভয়ে ভয়ে রাখিয়াছ অশোক কাননে !

রাবণ । ভুল মন্দোদরি ।  
 ছদ্মবেশে গিয়েছিলু পঞ্চবটী বনে  
 তুচ্ছ নরে বুঝাইয়া দিতে  
 ত্রিভুবনে সর্বশ্রেষ্ঠ মারাধর আমি ।  
 সামান্য রমণী সূৰ্পগন্ধা ;  
 মারাজাল ভেদ করি তার  
 নাসিকা কর্তন করি,  
 হীন নর গর্ভ ক'রেছিল ।  
 তাই আমি  
 অতি ক্ষুদ্র অসম্ভব স্বর্ণ মৃগ গ'ড়ি  
 চক্ষের পালটে ছন্নছাড়া ক'রে দিছি সব ;  
 বুঝাইয়া দিছি—  
 তুচ্ছ নর ছার—মারাযুদ্ধে সমকক্ষ কেহ নাই মোর ।  
 ভয়ে নর রাণী—  
 কেশে ধ'রে রথোপরে তুলেছি গীতার ;  
 এইবার শক্তি মোর দেখিবে তাহারা ।

মন্দোদরী । বীরত্ব কোথায়—রমণীর কেশ আকর্ষণে ?

রাবণ । জাননাক রাণী—

শত শত্রু বধ করি, চালায়েছি রথ ।

মন্দোদরী । ভাগ্যবলে জরী হ'য়েছিলে,  
কিন্তু পার নাই দাঁড়াতে সেথায়,  
পার নাই বলিয়া আসিতে—  
“ব্রহ্মচারী নহি আমি,  
আমি রাজা—লঙ্কার রাবণ—  
হ'রে নিরে বাই সীতা—  
সাধ্য থাকে রক্ষা কর তারে ।”

রাবণ । প্রয়োজন হয়নি তাহার—  
সে কার্য্য ক'রেছে সীতা ।  
কেশে ধ'রে তুলেছিনু রথে,  
হস্ত পদ মুখ বন্ধ ক'রি পারিতাম ফেলিয়া রাখিতে—  
করি নাই তাহা ।  
পঞ্চবটী হতে লঙ্কার প্রাসাদ  
সারা পথ—  
দেবতাকে, কখনও গন্ধর্বে,  
পশুপক্ষী, বৃক্ষলতা—সকলে ডাকিয়া  
এসেছে বলিয়া  
লঙ্কার রাবণ তারে নিরে যায় হ'রে ।  
তুধু তাই নয়—  
আভরণ সমস্ত দেহের—একটি একটি ক'রি  
পথে পথে ছড়িয়ে এলেছে ।  
সাধ্য থাকে মানুষের  
চেনা পথ ধরি আসিবে লঙ্কার



কত বল দেখিবে আমার ।

মনোদরী । না—না—কাজ নাই নাথ—পরিভ্যাগ কর সীতা,  
ফিরাইয়া দাও তারে মানুষের ঘরে ।

রাবণ । অম্ব কথ্য আছে কিছু রাণি !

মনোদরী । না—না—আর কিছু নাই,  
পারে ধরি, পরিভ্যাগ কর জানকীরে ।

ভীত আমি—

রাবণ । ভীত তুমি ! তাই বল—তাই বল,  
জানকীর রূপে বুঝি ঝলসিয়া গেছে দুর্গম ।

ভীত তুমি—বুঝি বুঝিয়াছ  
এইবার টলিয়াছে রাণীর আসন ।

মনোদরী । বিক্রম ক'রিছ মহারাজ !

রাবণ । বিক্রম ! না—না—

রাখি নাই অশোক কাননে সীতা  
তপস্বিনী করিব বলিয়া ।

সৌম্যবদন রূপ তব

ধ'রেছিল লঙ্কার প্রাসাদে,

অশোক কাননে বাস তাই তব হয়নি ক'রিতে ।

দুর্কুল প্লাবিত করা আরতন ভাঙ্গা

জানকীর রূপের তরঙ্গ

ধ'রিল না লঙ্কার প্রাসাদে,

তাই সীতা অশোক কাননে ।

নূতন প্রাসাদ এবে হইবে নির্মিত,

সিংহাসন, নূতন মুকুট ;

আর রাণী মন্দোদরী—

রাণীর আসন তার সম্মুখে ত্যজিয়া

নতচক্ষে রহিবে দাঁড়ারে

সেই সিংহাসন পাশ্চাত্যতলে ।

মন্দোদরী । এতটা সম্পদ যদি কখনও সম্ভব হয়  
তবে তাহা ভাগ্য বলে মেনে নেব' ভব,  
শোন হে দর্পিত রাজা,  
ময়-দানবের কণ্ঠা—আমি মন্দোদরী,  
নাহি ছেন শক্তি তোমার বাহুতে,  
এমন দেবতা কেহ সহায় তোমার  
হানি কর সম্মান আমার ।

রাবণ । হত্যা করি স্বহস্তে সীতার  
কণ্টক করিতে চাও দূর, ওরে মারাবিনী !

মন্দোদরী । করিতাম তাই—  
হত্যা ক'রি স্বহস্তে সীতার  
যুক্ত ক'রে দিতুম তাহারে  
রাক্ষসের অত্যাচার হ'তে ;  
নিঃশ্ব করে দিতুম তোমায় ।  
কিন্তু হায়—নাহিক উপায়—  
মৃত্যুবাণ জানকীর নাহি মোর কাছে ।  
মোর কাছে গচ্ছিত র'য়েছে  
রাবণের মৃত্যুবাণ—

রাবণ । রাবণের মৃত্যুবাণ ! কেন—কেন—ও কথা কেন ?

মন্দোদরী । (যুগে যুগে নারীর বিপক্ষে—পুরুষের এই অত্যাচার

রক্ত তেজে অবাধ গতিতে তার  
 পিষে দ'লে চ'লে যাবে ধরিত্রীর বুক—  
 এতটুকু পাবে না আঘাত !  
 না—না—না—তন হে রাক্ষসরাজ !  
 ভুলে যাও আমি রাণী তব,  
 আমি শুধু নারী । )

সীতার এ অপমান—আমার, আমার—  
 জগতের সমস্ত নারীর—  
 হ'ক দেবী—দানবী—মানবী ।

রাণীর সকল গর্ভ, সকল সঙ্গম,  
 লঙ্কার সকল সুখ, সকল ঐশ্বর্য  
 করি পরিত্যাগ

মাত্র নারীদের দাবী নিয়ে  
 পথ রোধ করি দাঁড়ানু তোমার,  
 সাধ্য থাকে হও অগ্রসর ;

মনে থাকে যেন—রাবণের মৃত্যুবাণ গচ্ছিত আমার ।

রাবণ ।

বাও বাও—দাস্তিকি রমণী

রাবণেরে দেখায়োনা ভয় ।

নারীর নারীত্ব কিবা সতীত্ব জীবন

রাবণের হস্তে ক্রৌড়ণক ।

তাকে রাখা কিবা আছাড়ি ভাবিয়া ফেলা

ইচ্ছা রাবণের শুধু,

রাবণের খেলা—রাবণের খেলা ।

মনোদরী । উত্তম—উত্তম—

শোন তবে বিদ্রোহিনী আমি ;  
 প্রথম সে অভিমান মম  
 শোন তবে রাজা !  
 জানকীরে করিতে উদ্ধার—প্রাণ পণ মোর ।  
 আমি চাহি না কারেও—  
 একক—নিরস্ত—কিষ্ণা প্রয়োজন হ'লে  
 সশস্ত্র চণ্ডিব—মুক্তি দিব জানকীরে ।  
 এস—এস তুমি তোমার বাহিনী লয়ে,  
 দিগ্বিজয়ী সেনাপতি, পুত্র পৌত্র লয়ে  
 এস—এস—তুমি—  
 দেবদত্ত শেলপাট—দেবজয়ী ব্রহ্মাস্ত্র লইয়া  
 গতিরোধ কর মোর—রাজা—

[ প্রস্থান ]

রাবণ ।

যাও—যাও—প্রয়োজন নাই,  
 আমি চাই বিশ্রাম করিতে ।  
 আবার—আবার—  
 সেই করুণ বিলাপ—প্রলাপের মত  
 আমারে আচ্ছন্ন করে ।  
 কে কাদে—কেন কাদে ?  
 রাবণেরে উত্ত্যক্ত করিতে ষষড়ঙ্গ বেন করিয়াছে,  
 আমার বিশ্রাম সাধে বন্ধুত্ব পেতেছে ।  
 দুর্বলতা—দুর্বলতা—এ নহে ক্রন্দন ।  
 দুর্বলতা নহেক দেহের—  
 দুর্বলতা আমার মনের ।  
 কেন—কেন দুর্বলতা ।

কোথা জন্ম—কোথা বৃদ্ধি এর !  
 সী-তা-হ-র-ণ—  
 মন্দোদরী ?—না—না—  
 সে আমারে কি করিবে দুর্কল !  
 নারীত্বের দাবী তার আত্ম প্রবঞ্চনা,  
 আশঙ্কা ক'রেছে মন্দোদরী—  
 জানকীর রূপে তার হয় বা সমাধি !  
 তবে—তবে—  
 ওঃ—হ'য়েছে—পেয়েছি সন্ধান—  
 বিভীষণ—বিভীষণ—  
 ভাই মোর—জীবন আমার—  
 'একত্রে শরন, একত্রে ভোজন, সিদ্ধিলাভ একত্রে মোদের,  
 সেই ভাই মোর—অন্তর আমার—  
 চিন্তিত ব্যথিত মৌনা—উদাস গম্ভীর ।  
 না—না—আসিয়োনা বিভীষণ,  
 ইচ্ছা যদি—কাঁদ ভাই যেখানেতে আছ—  
 আসিয়ো না, আসিয়ো না রাবণের কাছে  
 য়ান-মুখে নতদৃষ্টি ল'রে ।

( বিভীষণের প্রবেশ )

কে—কে—বিভীষণ—বিভীষণ—  
 তুমি এলে—তুমি এলে—  
 এলে যদি কহ অগ্র কথা—  
 সীতা-কথা নহে আর ।

বিভীষণ । সীতার ভাবনা শেষ—

চিন্তি আমি তোমার কারণ ।  
 সন্মাসিত আমি—  
 ভবিষ্যৎ চিত্রপট হেরিয়া তোমার ।  
 রাবণ । চিন্তা কিবা তার  
 বিভীষণ ভাই কার র'য়েছে সহায় ।  
 বিভীষণ । আমি অসহায় ।  
 রুদ্ধ করি খাস—জ্যেষ্ঠ তুমি, তোমাতে স্মরিয়া  
 আমার সকল শক্তি করিয়া সংগ্রহ  
 নিগ্রহ করিতে চাহি আপনারে ;  
 স্থির হ'তে পারিনাক' ভাই ।  
 জাগরণে, নিজায়, স্বপনে—বিভীষিকা দেখি !  
 দেখি যেন, কে হাসে দাঁড়ারে—  
 অতি তীব্র অবজ্ঞার হাসি, উপহাস করে তোমা ;  
 আর আমি পঙ্কুর মতন তোমারি সমক্ষে  
 দাঁড়াইয়া নির্বীৰ্য্য নিস্তেজ  
 কিছুই করিতে নারি ।  
 ভাই—ভাই—  
 কেন ভোল সে দিনের কথা—  
 স্বাক্ষরের উগ্র তপস্তার সেই দিন সমগ্র জগৎ  
 আলোকিত হ'য়ে উঠেছিল ;  
 পদ্মাসন করি পরিত্যাগ যে দিন বিখাতা  
 মর্ন্ত্যের মাটিতে নামি  
 স্বাক্ষরের গলে  
 বিজয়ের মালা বন্ধে দিলেন দুলায়ে—

তুলিও না সেই দিন—  
অহকারে কিপ্ত হয়ে সেই বিধাতারে—  
সেই বরদাতা বিধাতারে  
প্রতিশ্রুতি ক'র না ধীমান্ ।

রাবণ ।

জানি জানি—আমার স্মরণ আছে ।  
অমরত্ব দিতে উদ্গ্রীব হইয়া  
ব্রহ্মা যবে দাঁড়ালেন আমি,  
আমি—আমিই তখন দেখাইয়া দিহু তোমা ;  
অমর হইলে তুমি—  
আর আমি—  
আনন্দে ও গর্বে চুমি শির  
আশীর্বাদ করিহু তোমার ।

বিভীষণ ।

তবে তবে—সেই স্নেহ শুকাইয়া যাবে কেন আজ !  
দাও, দাও, স্নেহ দাও—  
ভালবাস—বুকে লহ তেমন করিয়া ।  
সীতাকে কিরারে দাও—  
করহ আদেশ—

রাবণ ।

আদেশ আমার—অন্ত কথা কহ বিভীষণ !

বিভীষণ ।

দেবতা ! অন্ত কথা নাহি আর,  
বুক জুড়ে উঠিয়াছে শুধু হাহাকার ।  
শুধু ঐ কথা—সীতা—সীতা—সীতা,  
ভাই ভাই—  
শুধুই দেখেছ তুমি সীতা,  
দেখ মাই নয়নের জল

ঝরে অবিরল গলিত বহির মত ;  
 দেখ নাই ভাই—  
 তপ্ত দীর্ঘশ্বাসে তাঁর  
 থর থর কাঁপিতেছে অশোকের পাণ্ডা ।  
 সামাগ্রা মানবী নয়—  
 সীতা লক্ষ্মী—  
 ভাই—ভাই—কি ক'রেছ,  
 কেশে ধরে টেনেছ লক্ষ্মীরে ।

স্বাৰণ ।

তবে শোন্ বিভীষণ—  
 শুধুই কর্কশ হস্তে করি নাই কেশ আকর্ষণ,  
 কেশে ধ'রে শূণ্ণে শূণ্ণে ঘুরায়েছি তারে ।  
 ঘেরিয়াছি অশোক কানন,  
 নিষুক্ত ক'রেছি আমি মহত্স চেড়ীরে—  
 নির্যাতন নিপীড়ন করিতে লক্ষ্মীরে—  
 পলে পলে তিলে তিলে বধিতে সীতারে ।  
 হের—হের বিভীষণ—হের কি সুন্দর,  
 বেত্রাঘাতে রক্ত ছোটে  
 ভেঙ্গে যার মুঘলের ঘায়  
 ফেটে যার দেহ তার ;  
 হের বিভীষণ—  
 ফেটে যেন পড়িতেছে রূপের ভাণ্ডার !)

বিভীষণ ।

ওঃ—ওঃ—

স্বাৰণ ।

হের বিভীষণ—হের ভগ্নী তব  
 কর্তিতনাসিকা, হের সূৰ্পণখা—



দরবিগলিত ধারে

ঝরিতেছে শোণিত প্রবাহ ;

বিকট-বিভৎস-মূর্তি— ।

মর্শ্বস্তদ বেদনা তাহার, আর্তনাদ তার

মানি দেয় রাক্ষস জাতিরে !

(তের বিভীষণ,) নহে সূৰ্পণখা—

তোমার জাতির এক দুৰ্বলা রমণী,

সম্ভ্রম বাহার

পৌরুষ তোমার, কুলের মর্যাদা তব—

সেই নারী—

তুচ্ছ নর-করে নিপীড়িত, লুপ্তিত ধূলার—

বক্ষে চিহ্ন তার

চিরস্থায়ী নর-পদাঘাত !

বিভীষণ । লজ্জা হয়, ঘৃণা হয়, কহিতে সঙ্কোচ জাগে—

স্বৈরিণী ভগিনী-সূৰ্পণখা

মায়াবিনী রূপ ধ'রে গিরেছিল নিবেদিতে প্রেম

পরপুরুষের পায় ;

বিনিময়ে—প্রেমের উচিত মূল্য পেয়েছিল সে ।

কিন্তু কি ক'রেছ তুমি মহারাজ !

প্রেম ভিক্ষা কর নাই তুমি ;

প্রত্যাখ্যাত হ'রে

ধর নাই তুচ্ছ করে ভুজবল্লী তার ।

পিপাসিত, উপবাসী, ক্ষুধার কাতর—

জল দাও, ফল দাও, খেতে দাও ব'লে

এলে তুমি অতিথির বেশে  
কুটীর ছয়ারে !

আর—আর—সন্ন্যাস বিখ্যাসে যে তপচারিণী  
বুক ভরা বেদনার—চোখ ভরা করুণার  
এসেছিল ছুটে আকুল হইয়া

ভিক্ষা-ঝুলি তব পূর্ণ ক'রে দিতে—

সেই করুণাময়ীকে

কেশে ধ'রে তুলিয়াছ রথে !

ভাই—ভাই—বা করেছ তুমি

জগৎ স্তম্ভিত তাহে— !

বৃষি ভিক্ষুককে আর কেহ ভিক্ষা নাহি দেবে,  
ক্ষুধার্তকে আর কেহ দেবে না আহার,  
তৃষ্ণার্ত আর জল নাহি পাবে,  
অতিথির মুখ আর কেহ না দেখিবে ।

না—না—না—

পিতৃপুরুষের বহু পুণ্য ফলে

ইহকাল করতলগত তব ;

আজ মহাপাপে লিপ্ত হ'য়ে

পরকালে দিও না বিদায় ।

স্নান ।

ইহকাল পদতলে মোর,

নাচি আমি বুকে তার ।

পরকাল—পরকাল—

স্নানের পরকাল !

বেদপাঠে রত ব্রহ্মা বাহার সন্ধান,

হৈল চন্দ্র যম কুতাজলি ;  
 আত্মশক্তি কাত্যায়নী  
 শক্তিরূপা বাহতে বাহার,  
 দেহরক্ষী ত্রিশূলী শঙ্কর,  
 খুঁজিতেছ তার পরকাল ।  
 শেষ কথা শুন বিভীষণ,  
 রাবণের দর্প পরকাল ।  
 সীতা ফিরে নাহি দিব,  
 ভুল যদি ভুলই রহিবে ।  
 রাবণ যা' করে প্রত্যাহার করে না তাহার ।  
 শুন আদেশ আমার কিম্বা অনুরোধ মম—  
 যদি তুমি অনুরক্ত আমার,  
 এক নাহুগর্ভে যদি করে থাক বাস,  
 এক রক্ত শিরায় শিরায়,  
 তবে—বাঁচি—মরি—  
 পার্শ্বে এসে দাঁড়াও আমার ।  
 আমি যথা পরিত্যাগ করিব মা সীতা,  
 তুমি ত্যাগ ক'র না আমার ।

বিভীষণ । নারায়ণ—নারায়ণ—রক্ষা কর নারায়ণ—

( প্রহাস )

রাবণ । যা রে ধর্ম-ভীক—যা রে দুর্বল

সে ধর্ম আমার নয়—নহে রাক্ষসের ;

ভীক করে দেয় বাহা অকর্মণ্য করে ।

এর চেয়ে অজ্ঞান বালক ভাল,

দেখিতে উন্নাস হয়

অগ্নিশিখা মাঝে কিম্বা সর্পমুখে  
কৌতুকে ঠেলিয়া দেয় আপন অঙ্গুলি ।  
( তরুণীর প্রবেশ )

তরুণী । জ্যেষ্ঠভাত ! জ্যেষ্ঠভাত ! কোথা পেলেন সীতা-মায় ?

রাবণ । কেন কেন রে তরুণি ! সে কি ভাল নয় ?  
সে কি ছুঁই বড়,  
কহে কিরে কটু কথা তোরে ?

তরুণী । না—না—বড় ভাল সীতা-মা আমার ;  
মা আমারে করেন আদর,  
বাবা মোরে খুব ভালবাসে,  
তুমি মোরে আরও ভালবাস,  
তিনজনে মিলি তরুণীরে যত ভালবাস  
তার চেয়ে ভালবাসে সীতা-মা আমার ।  
রাগ তুমি করোনাক জ্যেষ্ঠভাত !  
খুব ভালবাস তুমিও আমারে ।

রাবণ । হাসিতেছি আমি ;  
রাগ কোথা দেখিলি আমার ?  
বলরে তরুণি—  
সীতা আনিয়াছি আমি—করিয়াছি ভাল ?

তরুণী । খুব ভাল করিয়াছ জ্যেষ্ঠভাত !

রাবণ । খুব ভাল করিয়াছি !

তরুণী । খুব ভাল করিয়াছ—বড় লক্ষ্মী সীতা মা আমার ।

রাবণ । বল্ বল্ আর একবার বলরে তরুণি—  
খুব ভাল করিয়াছি আমি ।

- ভরগী । খুব ভাল করিয়াছ তুমি ।  
বল কোথা পেল, কেমনে আমিলে ?
- রাবণ । ( চাপা স্বরে ) চুরি ক'রে—চুরি ক'রে—  
চুরি ক'রে—আমিতে হ'য়েছে ।  
রামচন্দ্র ঘরে ছিল এই পোষা পাখী—  
সে কি দেয় তারা—  
আমি তাই করিয়াছি চুরি ।
- ভরগী । রামচন্দ্র, রামচন্দ্র, কাঁদে সীতা রামচন্দ্র ব'লি,  
নিরে এস জ্যেষ্ঠতাত, রামচন্দ্রে ।
- রাবণ । বিস্ময়, পিতা ভোর ছেড়ে দিতে বলে ।
- ভরগী । না—না—আমি ছেড়ে নাহি দেব—আমি বেতে নাহি দেব ।  
তুমি শুধু নিরে এস রামচন্দ্রে,  
মুছে দাঁও সীতা-মার মরনের জল ।  
আমি জানি, যা জানকী কাঁদবে না রামচন্দ্রে পেল,  
মিটে যাবে সব গণ্ডগোল ।  
তুমি জান জ্যেষ্ঠতাত । রামচন্দ্রে রাজপুত্র ।  
দেখি নাই—শুনিলাম অপক্লম রূপ ।  
নব-হৃর্বাদলশ্রাম-রাম অতি মনোহর,  
আজ্ঞামূল্যিত বাহু, রক্ত ওষ্ঠাধর,  
ধ্বজ বস্ত্র অক্লেশে শোভিত পদাধর,  
শয্য-চক্র-গদা-পদ্ম-ধারী চক্ৰবর্তী ।  
এনে দাঁও রামচন্দ্রে জ্যেষ্ঠতাত ।  
অশোক কানন মাঝে গ'ড়ে দাঁও  
বর্ণের মন্দির,

রামসীতা করুন বসতি ;  
 অশোক কানন হ'ক পুণ্য পীঠস্থান ।  
 জ্যেষ্ঠতাত ! রঘুমণি বীরত্বের খনি !  
 কত কথা—কত যে কাহিনী, কহে সীতা-মাতা—  
 বিচিত্র—অদ্ভুত ।

বিভোর হইরা যাই শুনিতে শুনিতে—  
 অশোকের পাতা সব—কাণ পেতে শোনে ।  
 আমি যাই জ্যেষ্ঠতাত, সীতা-মার কাছে ।  
 বল, তুমি শুনিবে না কারও কথা,  
 বল, তুমি সীতা-মারে ছেড়ে নাহি দেবে ?

রাবণ ।

না—না—পারি না ছাড়িতে— ( ভয়গীর প্রস্থান )

বিভীষণ—বিভীষণ—

তোমারি বৃক্ষের ফুল—অতি শুভ্র, অতি নিরমল  
 শিরে মোর প'ড়েছে ঝরিয়া,  
 গন্ধে আজ আমোদিত প্রাণ ।  
 বাণী আমি পাইয়াছি বিভীষণ—  
 সীতা কিরে নাহি দিব ।

পরকাল—পরকাল—

হ'য়েছে উত্তম—

লক্ষী যদি সীতা—পরকাল মুটিগত মোর,  
 বাবে কোথা—কেশে আমি ধ'রেছি তাহারে ।

( বিভীষণের প্রবেশ )

বিভীষণ ।

শেষবার—শেষবার—

পারে ধরি—পারে ধরি—

হেলায়, শ্রদ্ধায় কিবা ক্রীড়ায় কোতুকে  
 লক্ষ্মী বলি ক'রিয়াছ যদি সম্ভাষণ,  
 পারে ধরি—পারে ধরি  
 ক'রনাক মর্যাদা হরণ—  
 যেতে দাও —ফিরে দাও লক্ষ্মীরে তোমার ।  
 আর যদি মুক্তি নাহি দিবে,  
 এখনও হুরাশা যদি ভুঞ্জিবে সীতারে—  
 তবে শোন বলি—কামুক লম্পট,  
 সাধু বেশ ক'রনা ধারণ আর—  
 ও জিহ্বায় ক'রনাক লক্ষ্মী নাম উচ্চারণ ।  
 সোজা পথে চল  
 দগ্ধ হও—ভগ্ন হও—সতী-স্ত্রীর আখির অনলে ।  
 তবে লক্ষ্মী নয় ।  
 সীতা লক্ষ্মী আর না বলিব ।  
 পথ ছাড়্, বিভীষণ—  
 লক্ষ্মী নয়—মানবী—মানবী—  
 অগতের সর্বশ্রেষ্ঠা রূপসী মানবী—  
 আমার স্বপন-রাজ্যে আশা কুহকিনী,  
 মরুবন্ধ মাঝে মোর ভোগবতী ধারা ।  
 পথ ছাড়্, পথ ছাড়্, বিভীষণ—  
 বহুকণ বেধিনি সীতার—  
 থাকি থাকি কণে কণে শুধু মনে হর  
 ঐ-বুঝি চলে যার সীতা ;  
 অতি মুহু অতি মিষ্ট চরণ প্রহারে তার

স্বাধগ ।

ভেদে দিবে চলে যাব আমার পঞ্জর ।

পথ ছাড়, পথ ছাড়, বিভীষণ—

সীতা যদি যায়

অঙ্ককার হ'রে যাবে সব ।

পথ ছাড়,—পথ ছাড়,—

না—না—সীতা আর ভোর

একত্রে লঙ্কার স্থান হবে না কখনও ।

পথ ছাড়,—পথ ছাড়,—

সীতা থাক—

তুই যাবে—দূর হ'রে সম্মুখ হইতে । ( পদাঘাত )

নির্কাসিত তুই—

লঙ্কার পাখিনা স্থান ।

(প্রস্থান)

বিভীষণ । ওঃ—পদাঘাত—নির্কাসন—

(প্রস্থান)

## দ্বিতীয় দৃশ্য

বিভীষণের কক্ষ

বিভীষণ ও সন্ন্যাস

বিভীষণ । নির্কাসিত কেন, কেন যাব—

অন্নগত অধিকার হ'তে

কে করে বঞ্চিত কোরে,

বর্গচ্যুত কে করে আমার ।

হোক মোর—



জ্যেষ্ঠ হতে শ্রেষ্ঠ ভগ্নভূমি ।  
 কেন বাব—কেন বাব—  
 সরমা । <sup>১১. ১৫</sup> স্থির হও—শান্ত হও প্রভু !  
 বিভীষণ । কেন হব স্থির—  
 সরমা, সরমা—  
 ব্রহ্মা বরে আমি না অমর !  
 তবে কারে করি উর,  
 কেন হের দাগ হ'রে থাকি ।  
 সরমা । পারে ধরি শান্ত হও প্রভু !  
 ধার্মিক মহান্ তুমি—তুমি বিবেচক ।  
 জ্যেষ্ঠের পদাঘাত—সেত আশীর্বাদ ।  
 স্বর্ণভূমি আজি লীলাভূমি জীবন্ত পাপের ;  
 লঙ্কা হ'তে নির্কালন—সেত স্বর্ণ নাথ ।  
 বাতনায় কে না জলিছে ?  
 (সারা রাজ্য ধু—ধু—জলিতেছে,  
 জলিছেন নিকষা জমনী,  
 মন্দোদরী উন্মাদিনী হ'য়েছে আলায় ;  
 বাতনায় কেঁদে কেঁদে ফিরে রুক্মা-নারী ।  
 আর ঐ চেরে দেখ নাথ অশোক কাননে—  
 বাতনা বিহ্বলা ঐ লক্ষ্মী মূর্তিমতী  
 অশোকের তলে বসি  
 অশ্রুধারা চালে অবিরাম  
 ডুবাতে কনক লঙ্কা ।)  
 বল, বল প্রভু !

কতটুকু পেয়েছ ষাতনা—

বে ষাতনার অহরহঃ জলিছে জানকী,

এ ষাতনা তুলনার কতটুকু তার !

বিশেষণ ।

জানকী, জানকী,

জননী জানকী ।

মাগো—মাগো,

পড়াঘাতে যদি পাই এতই ষাতনা,

কি ষাতনা সহিছ মা তুমি !

সরমা ! প্রকৃতিস্থ আমি ।

হে জ্যেষ্ঠ, হুখে থাক,

আমি যাই তবে—

কিন্তু সরমা, সরমা—

জানকীর নয়নের জল

করিছে বিকল হৃদি ।

রঘুমণি ! রঘুমণি !

ভুলে কি গিয়েছ প্রভু,

হিরণ্যকশিপু-নানী নরসিংহ তুমি !

জাগো, প্রভু জাগো—

হরধর্মুর্ভঙ্গ কালে জেগেছিলে যথা ।

জাগো—জাগো ওগো ভৃগুরাম-দর্প-খর্বকারী—

সেই ধর্ম পৃষ্ঠে তব এখনও লখিত,

বাণে ভরা এখনও সে তুণ,

আজামুলখিত বাহ এখনও সক্ষম ।

পূর্ণব্রহ্ম সনাতন, ওগো নারায়ণ—

মাঝ পাশ্চাত্যে তব অহল্যা উদ্ধার,

শতছিন্ন কাষ্ঠতরী স্বর্ণ হ'য়ে গেল—

ওগো—ওগো প্রভু—

স্থির ব'লে তুমি,

একি শুধু ছলনা তোমার !

রঘুমণি—রঘুমণি—কমললোচন—)

সরমা—সরমা—পাইরাছি পথের সন্ধান ।

আবর্তের মধ্যে পড়ি, পারিনি বুঝিতে

কি কর্তব্য মোর ;

যাব আমি শ্রীরামের পাশে—

শরণ লহিব পদে—সমর্পণ করিব আমারে ।

যদি ভাগ্য ফেরে, যদি দেম চরণে আশ্রয়—

না—না—মূর্ত্ত বিলম্ব আর নয় ;

বাই—আমি বাই—

কিরে যদি আসি পুনঃ—আনিব শ্রীরামে । ( বাইতে উদ্ভত )

সরমা । তুমি বাবে—তুমি বাবে—

বিত্তীয়ণ । একি ! একি ! ফুরিত অধর

কাঁপে ধরধর,

আঁধি করে ছল ছল,

আমারে বিকল করে ।

সরমা । তুমি বাবে—তুমি বাবে—

ওগো হেঁট মোর, স্বর্ণ মোর, দেবতা আমার—

ব'লে যাও কি করিব, কেমনে বাঁচিব—

ব'লে যাও নাথ—

- কায় কাছে রেখে গেলে তোমার সন্ন্যাসী ।
- বিত্তীয়ণ । লক্ষ্মী পদতলে দেবি,  
ফেলে রেখে গেলুম আমি মোর সন্ন্যাসীয়ে  
মা জানকীর চরণ ধুলার ।  
ধৈর্য্য ধর দেবি,—  
কঁদারোনা মোরে ।  
তুমি যদি এস মোর সাথে—  
সন্ন্যাসী, সন্ন্যাসী,  
কে দেখিবে জানকীরে,  
কে মুছাবে নরনের জল,  
জানকীর পাদপদ্ম কে ধোয়াবে বল ?  
কে দিবে সিন্দূর বিন্দু  
ললাটে সন্ন্যাসীর ?
- সন্ন্যাসী । তাই এস প্রভু  
নিরে এস জানকীর নরনের মণি—( প্রণাম )
- বিত্তীয়ণ । তরুণি । তরুণি ।  
না—না—বাই, আমি বাই—
- তরুণী । ( নেপথ্য হইতে ) পিতা ! পিতা !  
( তরুণীর প্রবেশ )
- তরুণী । কেন চোখে জল,  
কি হ'য়েছে পিতা ।
- বিত্তীয়ণ । কি হ'য়েছে ? তরুণিরে—  
কেবা জানে কি হ'য়েছে, কি হবে আবার ।  
কাজ নাই জানিয়া তোমার ।

কুমার আমার, শুধু শুনে রাখ  
ভাগ্যহীন ভাগ্যবান জ্যেষ্ঠতাত তোর  
লক্ষ্মীরে করেছে অপমান ।

আর—আর—

কিছু নয়, কিছু নয়—তার কাছে কিছু নয়—  
পদাঘাতে বিভাড়িত ক'রেছে আমার.

নির্কৃষিস্ত আমি ।

না—না—কৈদনা ভয়নী—খেদ নাহি কর বৎস !

বাই আমি

জীবনের সাধনা সাধিতে ।

আর বুকে আর—

আর কি পাবরে দেখা—

হরি—হরি—হরি—জানেন শ্রীহরি—

কবে, কোনখানে—কি ভাবে কি বেশে

দেখা হবে পুনঃ পুত্র তোমার আমার !

শুন বৎস !

ষতদিন রহিবে লক্ষ্য, রাবণের অন্ন খাবে,

ভুলনা তাঁহারে,

প্রাণ দিয়ে সেবা কোরো তাঁর

বাদী হ'তে পিতার তোমার—বদি কন তিনি

তাও হবে রহিল আদেশ ।

পারিবে না ?

ভয়নী ।

তোমার আদেশ ! পিতা ! পিতা !

তোমার আদেশ !

রামচন্দ্র পিতৃসত্য পালনের তরে  
 একটা ইঙ্গিতে  
 বিমাতার অভিশাপ শিরে ধ'রি আশীর্বাদ সম—  
 ফেলে রেখে ছত্রদণ্ড মাথার মুকুট—  
 রাজ্য ছেড়ে হন বনবাসী !  
 আর আমি আর আমি—( কাঁদিয়া ফেলিল )

বিভীষণ । ভয়নি ! ভয়নি !  
 ( ভয়নী কাঁদিতে কাঁদিতে বিভীষণের পায়ে হস্ত দিল )  
 রঘুনি ! রঘুনি !  
 সন্ন্যাস, ভয়নি—বল্—বল্—উচ্চকণ্ঠে বল্—  
 রঘুনি—রঘুনি, রাম রঘুনি—

[ প্রস্থান ।

সন্ন্যাস গাহিল—

## গীত

রঘুনি, রঘুনি ।  
 আগে অস্তুরে নবদুর্বাদলশ্রাম রঘুনি ।  
 আগে হুধের আধারে পূর্ণচন্দ্র রাম রঘুনি ॥  
 তুমি হে দরাল ভক্তজনের  
 তুমি হে দরাল পাতকী মনের  
 তুমি সকল জনের বন্ধ, প্রেমধাম রঘুনি ।  
 সত্যের তুমি নর অবতার  
 চির আরাধ্য দেবতা আমার  
 তুমি ধর্ম, অর্থ, তুমিই মোক্ষ রাম রঘুনি ॥

## তৃতীয় দৃশ্য

অশোক কানন

[ চেড়ীগণ পরিবেষ্টিত সীতা ]

সীতা । মারো—মারো—আরও তীব্র কর কষাঘাত !  
অশ্রু আর নাহি মোর চ'খে ;  
অস্তরের আলোড়ন এ বম বহুগা  
ভুলি শুধু তোদের পীড়নে ।  
মারো—মারো—আরও তীব্র কর কষাঘাত,  
অস্তরের সব কোলাহল আচ্ছন্ন করিয়া দেবে মোর ।

( ত্রিঅট্টার প্রবেশ )

ত্রিঅট্টা । ওরে শোন্ শোন্, মারিস তখন  
তুনে বা এক মজার স্বপন  
দেখেছি আজ দিনের বেলায় ।

চেড়ীগণ । বল বল শুনি, কখনও শুনিনি—

ত্রিঅট্টা । রক্তবস্ত্র পরিধানা—কালো হেন বুড়ী  
রাবণেরে পাড়ে তার গলে দিবে দড়ি ।

চেড়ীগণ । ওগো বল কিগো, ওগো হবে কিগো—

ত্রিঅট্টা । দেয় কুম্ভকর্ণের মুখেতে কালি চূর্ণ,  
লড়া দাহ করে আবার—রাক্ষসেরা খুন ।  
আরও আছে, আরও আছে

তুন্বি বহি ছুটে আর আমার কাছে ।

চেড়ীগণ । ওগো বল কিগো, ওগো হবে কিগো—

[ প্রস্থান ]

[ সকলের প্রস্থান ]

( মন্দোদরীর প্রবেশ )

মন্দোদরী । মুক্ত তুমি দেবি !  
 প্রদক্ষিণ করি লক্ষা  
 উঠিবে এখনি রুধে বিভীষণ,  
 ত্যজি লক্ষা চলে যাবে কিরিয়েনা আর ।  
 ছিল বিভীষণ, ছিল কিছু ভয়না আমার  
 বিজ্রোহ করিনি তাই ;  
 কিন্তু আর নয়  
 নিরাপদ নহে লক্ষা ।  
 এস দেবি, রুধ আমি সাজারে রেখেছি ।  
 ভয় নাই

সীতা ।  
 মুক্ত আমি—মুক্ত আমি—  
 মহারণী মন্দোদরী, কি শুনালে আজ ।  
 মুক্ত আমি ।  
 ( দুঃখ নিশি অবসান যোর,  
 সীমাহীন অকুরন্ত বাতনার শেষ ।  
 সত্য কি এ হে করুণাময়ি, করুণা তোয়ার ?  
 কিবা অরি রাবণ সজিনী,  
 নবহৃদ নবরূপ দিতে বাতনার  
 এলে রণ-রজিনীর বেশে । )

মন্দোদরী । শপথ তোয়ার সতি,  
 মুক্ত তুমি—বধা মুক্ত লক্ষার আকাশ ।



সীতা । কৃতজ্ঞ মহিষি ।  
 বুঝিলাম—কাঁদি ব'লে করিলে করুণা ।  
 (তোমার এ সমবেদনার  
 প্রাণ মোর কেঁদে উঠে নূতন করিয়া,  
 উথলিয়া পড়ে আধিজল ।)  
 কিন্তু রাণি—মুক্তির তু হরনি সময় ।

মন্দোদরী । অভিমান ক'রনা জানকী, কমা কর মোরে,  
 পার যদি কমা কর স্বামীরে আমার,  
 মুক্ত তুমি, এস দেবি—বিলম্ব ক'র না ।  
 ( রাবণের প্রবেশ )

রাবণ । সাবধান মন্দোদরী! রাবণ জীবিত,  
 দশদিকে প্রসারিত তীক্ষ্ণ দৃষ্টি তার ।  
 দর্পিতা রমণি,  
 বিদ্রোহিণী তুমি ।  
 সাবধান, বাসস্থান হবে কারাগার ।

মন্দোদরী । কে তুমি ? রাক্ষসের রাজা । এসেছ ? উত্তম ।  
 ডরি না তোমারে আমি ।  
 যম চক্রে মৃত তুমি বহুদিন হ'তে ;  
 বা দেখি সপ্তখে  
 সে তোমার চিতাগ্নির বুধা আফালন ।  
 বিদ্রোহিণী নহি আমি, বিদ্রোহী তুমি, তুমি মহারাজ ।  
 জ্বায়েব বিদ্রোহী—বিদ্রোহী ধর্মের,  
 নারীজোহী তুমি লকার রাবণ ।  
 বিদ্রোহীর কারাগার করিতে নির্মাণ

লঙ্কার সমস্ত নারী  
 বলিরাছে উগ্র তপস্যায় ;  
 এস দেবি ! অশোক কানন-পারে  
 রথ আমি রেখেছি সাজায়ে ।  
 এস দেবি ! পরিত্যাগ কর এ শ্মশান !

রাবণ ।

তুনি বিদ্রোহিণী—  
 সে রথের সারথী কে তুনি ?  
 কে চালাবে রথ,  
 কে রক্ষা সীতার—রাবণের দৃঢ় হস্ত হ'তে ?

মন্দোদরী ।

আমি—আমি—সে রথ চালাব আমি ।  
 দেখিছ না বেশ—আলুলায়িত কেশ ;  
 তুনি যাছ এতদিন কঙ্কণ ঝঙ্কার—  
 হের অঙ্গুর ধনু—দিব কি টঙ্কার ?  
 আমি—আমি—আমিই চালাব রথ,  
 যদি কেহ রোধে মোর পথ—  
 হের পৃষ্ঠে বাণ ভরা তুণ  
 দিব স্তন রথচণ্ডী বলি ।  
 আমি—মহারাজ—আমিই চালাব রথ,  
 আমি রক্ষা করিব সীতার ।  
 স্বামী যদি বাধা হর তার—স্বামী-ঘাতী হব,  
 ছিন্নমস্তাক্রমে মাচিব বকের পরে ।  
 রথ-চক্র তলে পড়ি পুত্রগণ যোর  
 চাহে যদি নিবারিতে যোরে  
 গতিরোধ হবে না রথের ;

দীর্ণ করি—চূর্ণ করি গুজের পঞ্জর  
শুনা যাবে রথের ঘর্ঘর ।

রাবণ । মন্দোদরি ! মন্দোদরি !  
পত্নী ব'লে নাহি ক্ষমা পাবে,  
রাণী ব'লে মৰ্যাদা না দিব,  
অন্ধকার কারাগৃহে নিক্ষেপ করিয়া  
সীতা সাথে তিলে তিলে তোমারে বধিব ।

সীতা । ধীরে—ধীরে—উন্নত রাবণ ;  
বহু দৃশ্য হেরিয়াছে সভয়ে জানকী  
এ দৃশ্যের নাহি প্রয়োজন ।  
রক্ষোবাজ ! দস্ত চাপি দেখাও ক্রকুটী  
প্রাণে কিন্তু শিহরিত তুমি ।  
নাহি ভয়—  
যাও রাণি—নমস্কার তোমার দরায় ।  
মুক্তি ? মুক্তি আমি নাহি ল'ব ।

মন্দোদরী । না—না—প্রত্যাখ্যান ক'রনা আমারে ;  
রাণী নহি আমি, আমি শুধু নারী ।  
নারী হয়ে নারী গর্বে ক'রনা আঘাত,  
মুক্তি লহ দেবি—

সীতা । হে করুণাময়ি !  
তুমি দিবে মুক্তি মোরে ?  
নিমিকুলে জন্ম মোর, সূর্যবংশ বধু—  
বন্দী আমি হ'ল মাল স্বাক্ষসের ঘরে ।  
যদি জাগকর্তা স্বামী মোর এতই দুর্বল,

কে রক্ষিবে মোরে রাণি ।

(আমি বাব—

পাছে পাছে রক্ত নেত্র ধাবে রাবণের,

ওই হস্ত প্রসারিত হবে ।

বিধি যদি হয় বাম

গুনঃ এই মত কেশে ধরি মোর

আছাড়িবে ভূতল উপরে ।)

মন্দোদরী । ভবিষ্যত র'ক ভবিষ্যতে—

বর্তমানে অবহেলা ক'রনা জানকি—

আত্মরক্ষা কর—নরক যন্ত্রণা হ'তে

সীতা । কোথায় যন্ত্রণা ? চ'খে জল ।

জাননা—জাননা রাণি—কেন কাঁদি আমি ।

কাঁদি আমি শুধু এই দুঃখে

রামের ঘরনী আমি—শিথিনি সংঘম ।

কাঁদি আমি, স্মরি সেই কাতর নয়ন

পুত্রাধিক লক্ষণের মোর ;

চতুর্দশ বর্ষ ধরি যে ক'রেছে ধ্যান

শুধু সীতার চরণ—

সেই লক্ষণেরে কহিরাছি অসংঘত বাণী ।

(রাণি—রাণি—প্রয়োজন—প্রয়োজন—

বড় সুখে প্রায়শ্চিত্ত করিতেছি আমি ।

রাবণের অত্যাচার, চেড়ী বেত্রাঘাত

হুতুম চন্দন মত অল পয়শর ।

কোথায় যন্ত্রণা রাণি—)

কে দিবে যন্ত্রণা ?

যাতনার জন্ম মোর—

সুকোমল মাতৃগর্ভে জন্মেনি জানকী,

কঠিন কর্কর-ভূমে—তপ্ত বাসুকায়—

জনম তাহার—

হলের চালনে ঝিগা হ'ল ধরিত্রীর স্বধি—

জন্ম হ'ল জানকীর শুধু যাতনায় !

ভারপর—ভারপর—

অযোধ্যার সিংহাসন,

পঞ্চদশ বন—আর এই অশোক কানন ।

রাণি—রাণি—ফিরে যাও ঘরে

মুক্তি আমি নাচি লব ।

হরধনুর্ভঙ্গ হ'ল ভুজ-বীর্যে ধার,

একবিংশবার নিঃক্রিয়কারী-ধরণীর,

কালান্তক কুঠারী সে পরশুরামের,

স্বর্গপথ রুদ্ধ হ'ল প্রতাপে যাহার

সেই আমি রামের বনিতা—

হাত পেতে ভিক্ষা মেগে মুক্তি লবে রামের রমণী ?

যন্দোদরী । দেবি ! দেবি !

নীতা । (সাক্ষী তুমি দেবতা-দানব-ত্রাস লঙ্কার রাবণ,)

সাক্ষী তুমি রাণী যন্দোদরি—

করি আমি পণ—আমি মুক্তি লব সেই দিন—

সেই দিন—সেই দিন সুবর্ণ লঙ্কার

ডঙ্কার ডঙ্কার উঠিবে বাজিরা রাম নাম ।

সেই দিন বেষ্টিত সাগরভঙ্গ—করি কোলাহল  
রক্ত হ'য়ে উছলিয়া পড়িবে লঙ্কার—  
সেই দিন—সেই দিন—মুক্তি লবে সাতা ।

মন্দোদরী । কাস্ত হও—কাস্ত হও দেবি !

সীতা । যে দিন রামের শরে—সাগরে অধরে  
হবে একাকার,

বজ্রাঘাতে অশ্রুৎপাতে জলিয়া পুড়িয়া  
শূণ লঙ্কা ভস্ম হ'য়ে যাবে—

সেই দিন—সেই দিন মুক্তি লব আমি !

মন্দোদরী । সীতা!—সীতা!—কাস্ত হও—কাস্ত হও—

[সীতা । বাণে বাণে আচ্ছন্ন গগন,  
বধির শ্রবণ—

রক্ত কন্দমেতে ডুবে যাবে লঙ্কার দেউল ;

রাবণের দশমুণ্ড

ছিন্ন হয়ে দশদিকে পড়িবে খসিয়া—

রক্ত মাথা ওই তীর অঁাধি

ভীক্ক নখে টানিয়া ছিড়িয়া

গাধিনী শকুনি খাবে আনন্দে চুষিয়া—

ছিন্নশির কবন্ধ রাবণ—

লক্ষ লক্ষ মৃত পুত্র পৌত্র বন্ধ প'র—

ছাহাবার আছাড়ি পড়িবে—

সেই দিন—সেই দিন—মুক্তি লব আমি ।

রাণি । ত'র আগে নয় ।

[এতান ।

রাবণ ।

হাঃ হাঃ হাঃ—

নারী গর্ভ খর্ব তব—পরাজিত তুমি,  
বৃথা আজ আফালন তার ।

রাণী মন্দোদরি—

দেখিলে নারীর রূপ—নারীত্ব সীতার ।  
ঐ নারী—ঐ নারী—আমি চাই ।

মন্দোদরী ।

হাঃ হাঃ হাঃ

ঐ নারী—তুমি চাও ! হাঃ হাঃ হাঃ—

বিরাম ।

## চতুর্থ দৃশ্য

সমুদ্র তীর

পর্ণ কুটীর

ঘারে লক্ষণ

লক্ষণ ।

একি ! ষোড়শপথে কিসের গর্জন ।

এ যে রথ একখান,

অতি ক্রম নামে—দায়িল মাটিতে ।

কে আসে—কে আসে—

মহাবল, পরাক্রান্ত—দেখিতে ভীষণ—

আসে কি রাবণ ।

( লতক হইয়া খুস্কীণ বয়িল )

৩৬

( বিভীষণের প্রবেশ )

লক্ষ্মণ । কে তুমি—কে তুমি—তুমি কি রাবণ—

বিভীষণ । অপরূপ মূর্তি অমুপম !

তুমি কি—

লক্ষ্মণ । রাঘবের দাস আমি—অমুজ লক্ষ্মণ ।

বল কে তুমি—কি বা প্রয়োজন ?

বিভীষণ । ঠাকুর লক্ষ্মণ— ( ক্রম প্রণাম )

জীবন্ত ত্যাগের মূর্তি জাগ্রত প্রহরী,

ছায়া মোর ইষ্ট দেবতার ।

ভাগ্যহীন আমি দেব !

রাবণের দাস আমি কহিতে না পারি—

তুধুই অমুজ আমি ।

শ্রীরামের পাদপদ্মে লভিতে শরণ

আসিরাছি প্রভু !

লক্ষ্মণ । রাবণ অমুজ আসে রাবণে ছাড়িয়া—

শঙ্ক পদতলে স্থখে লহিতে আশ্রয় !

তাই আসে ভারেয়ে ছাড়িয়া—!

অসম্ভব—অসম্ভব—নহ তুমি বিভীষণ

স্রাস্তা রাবণের ।

মারীচ—মারীচ—পুনরায় আসিরাছে দ্বিতীয় মারীচ ।

মারুতি, মারুতি—ছুটে এস—দেখ কেবা আসে

রাবণ প্রেরিত কোন মারাবী হুর্জন

বুঝি পুনঃ ঘটায় অশ্রম ।



( মারুতির প্রবেশ )

- মারুতি । কাস্ত হও—কাস্ত হও—ঠাকুর লক্ষণ,  
এই বিভীষণ ।
- কুশল ? মা জানকী আছেন কুশলে ?
- বিভীষণ । কোন রূপে আছেন বাঁচিয়া ।  
আমার কুশল ?  
পদাঘাতে বিভাড়িত ক'রেছে রাবণ,  
নির্কাসিত আমি জন্মভূমি হ'তে ।
- মারুতি । পদাঘাত ! নির্কাসন !
- বিভীষণ । বড় ব্যথা—কাঁদিছে অন্তর—  
হে মারুতি—ধর হাত, নিয়ে চল মোরে  
প্রাণারাম যথায় শ্রীরাম,  
ব্যথাহারী চরণ কমলে  
উজাড় করিয়া দিই সর্ব বেদনায় ।
- মারুতি । প্রভু ! আজি ভাগ্যোদয়—  
বিভীষণ সহায় মোদের দেখাইবে পথ ।  
করিগো শপথ  
লক্ষা ধ্বংস করিব অচিরে ।  
চল প্রভু নিরে চল শ্রীরামের কাছে ।
- লক্ষণ । মায়াধর যদি তুমি নহ নিশাচর,  
সত্য যদি তুমি (বিভীষণ) রাবণ অমৃত,  
তবে তুমি অতি ভয়ঙ্কর—  
রাবণ হইতে তুমি আরও ভীষণ ।

বিত্তীয়ণ । বল কিবা অপরাধ ?

লক্ষ্মণ । কিবা অপরাধ ?

রাবণ হ'রেছে সীতা—হ'ক মহাপাপ,  
তবু দণ্ডে রক্ষা করে সেই দর্প তার ।

আর তুমি সহোদর তার—

ক্ষিপ্ত হয়ে জ্যেষ্ঠ পদাঘাতে,

কুকুরের মত—

আসিরাছ শত্রু পদ করিতে লেহন ।

ব্রাহ্মজ্যোহী শুধু নসু তুই—

লঙ্কাজ্যোহী, জাতিজ্যোহী, ধর্মজ্যোহী তুই ।

না—না—বুধিরাছি এতক্ষণে—

তুই হীন কূট—তুই রাজ্য লোভি

ছর্বল অক্ষয়—

শত্রুর সাহায্য চাসু—বধিবারে সহোদর

চাসু রাজ্য—চাসু সিংহাসন ।

বিত্তীয়ণ । হাগি পার—তুনে কথা ঠাকুর লক্ষ্মণ !

রাজ্যহারা, পথহারা, সর্বহারা ধারা—

রাজ্য চা'ব তাহাদের কাছে ?

(জাননা জাননা তুমি ঠাকুর লক্ষ্মণ,

মোহে আজ সব বিস্মরণ ।

ব্রহ্মা বরে সর্ব যুগ বিদিত আমার ;

কে আমি জানি—জানি আমি কে সে রাবণ—

কে তুমি—কেবা সেই স্তনীল ময়ন ।

প্রতি পদ বিক্ষেপে যাহার

কোটা রাজ্য কুটে উঠে কুসুমের মত,  
 অঙ্গুলি চাপনে শত রাজ্য মিশে যার  
 বুবুবুদের প্রায় ;  
 যে চরণ কমল হইতে ছুটিয়া সৌরভ  
 গৌরব বাড়ায় ধরণীর—  
 যে আশ্রয় আশ্রয়িত্তে, রাজ্য রাজ্য ছাড়ে,  
 যোগী ছাড়ে যোগ—  
 যোকপদ পাদদেশে দাঁড়াইয়া আজ  
 দাঁড়াইয়া এই তীর্থধামে  
 তুচ্ছ রাজ্য করিব প্রার্থনা—কুড়াইব কাঁচ  
 ফেলে রেখে কষিত কাঞ্চন ।)

দশম ।

বাও বাও—কোন কথা শুনিতে চাহিনা আর—  
 নিজাচ্ছন্ন রঘুমণি—শান্তি ভঙ্গ ক'রনা রামের ।  
 ঘরশত্রু, ভ্রাতৃদ্রোহী, ধর্মদ্রোহী—  
 বাও—বাও—মহাপাপ তুমি— বাও—  
 ধৈর্য্যচ্যুতি ঘটেছে আমার—  
 যদি নাহি বাও  
 হের তুণ, তুলিলাম শর—করিব সংহার ।

বিভীষণ ।

ফেল হু, ফেল শর—মিনতি আমার ;  
 তব পরাজয় সহিতে নারিব ।  
 তবে শুনেছে লক্ষণ—আমি অমর,  
 ব্রহ্মাবরে মৃত্যুঞ্জয়ী আমি—অবধ্য সবার ।  
 সূর্য্যবংশধর,  
 তনিরাছি আশ্রিত রক্ষণ—ধর্ম ভোমাদের ।

তবে জীবে এত ঘৃণা—কোথা হ'তে শিখিলে হে বীর।  
 শোন, আরও শোন, গর্কিত লক্ষণ,  
 কহিব অপ্রিয় কিছু—  
 ভাব মনে লক্ষণের তুল্য ভাই নাহিক ধরায়।  
 গর্ক তব—মহা ভ্রাতৃভক্ত তুমি।  
 রাজভোগ রাজসুখ ত্যজি  
 ত্যজি মাতা—ত্যজিরা আয়ায়—ত্যজি সর্বসুখ  
 চতুর্দশ বর্ষ ধরি বিনিদ্ৰ রজনী—  
 কতু আশু—কতু পাছু—ঘুরিতেছ তুমি  
 ছায়া সম শ্রীরামের,  
 ভ্রাতৃদ্রোহী বিভীষণে ভাই ঘৃণা কর।  
 কিন্তু আমি কহি—মহা ভ্রাতৃদ্রোহী তুমি।  
 ভ্রাতৃদ্রোহী বিভীষণ জন্মাবার আগে  
 ভ্রাতৃদ্রোহী জন্মেছে লক্ষণ।  
 স্বর্ণমৃগ ছোটে—ছুটে যান ধনুধারী রাম  
 রেখে যান রক্ষী করি তোমারে গীতার।  
 বল ভ্রাতৃভক্ত, ক'রেছিলে আদেশ পালন?  
 তুচ্ছ হ'ল ভ্রাতার আদেশ—বড় হ'ল নিজ অভিমান,  
 দেখালে জগতে—  
 চরিত্রে তোমার কলঙ্কের ছায়াও সছে না।  
 শোন ভ্রাতৃদ্রোহী,  
 নিজ হাতে তুলে দেছ রাক্ষসের করে  
 নিজ কুল বধু তব।  
 কি করিত গীতা—স্থানত্যাগ যদি না করিতে?

ভ্রাতৃদ্রোহী বস্তুনি না হ'তে  
 পারিত কি লক্ষ্মীরে ধরিতে কেশে  
 বাম অঙ্কে বসাইয়া তাঁরে  
 কলঙ্ক লেপিয়া দিতে রঘুরাজ কুলে ।  
 সীতা গালি দিল তোমা লোভী কামী ব'লে  
 আর তুমি মহা অভিমানে  
 অবহেলি জ্যেষ্ঠের আদেশ চ'সে'গেলে লক্ষ্মীরে ভাষিয়া !  
 ভ্রাতৃদ্রোহী নহ তুমি ?

( লক্ষ্মণ মাথা নীচু করিল )

না—না—না—কমা কর—হ'য়েছি উদ্ধত—  
 কমা কর—স্বীকার—স্বীকার—  
 তাই আমি, অনুমান যা ক'রেছ তুমি ;  
 ভ্রাতৃদ্রোহী, ধর্মদ্রোহী, ঘরশত্রু আমি,  
 আসিয়াছি রাজ্য লোভে—  
 কিবা আমি মায়াবী রাক্ষস—রাবণ প্রেরিত,  
 বুকে মোর লুকায়িত ছুরি—দস্তে মোর তীব্র বিব,  
 আসিয়াছি রাবণ কল্যাণে,  
 যেমন সুযোগ পাব—অমনি দংশিব ।  
 তথাপি আশ্রয় চাই—)  
 বল বল সূর্য্যবংশধর ! দেবেনা আশ্রয় ?

( কুটীর হইতে রামচন্দ্রের বাহিরে আগমন )

রাম ।

কে বলিবে ? কে দিবেনা আশ্রয় তোমার ।  
 তোমারে মেলানি দিতে

আমি যে উদ্ভাস্তচিত্তে—সাগরের পারে  
বহুক্ষণ ব'সে আছি তব প্রতীক্ষায় ! ( আলিঙ্গন )  
বিত্তীয়ণ । প্রভু ! প্রভু !

স্বাম । না—না—প্রভু নয়—প্রভু নয়,  
চির পরিচিত—পুরাতন বন্ধু তুমি—  
আমি সখা, মিত্র যে তোমার ।  
ধর্ম তুমি ছিলে লক্ষ্য ছেয়ে  
তাইত পাইনি পথ—  
পারি নাই হ'তে আগ্রসার,  
তাইত সাগরে জল—অগাধ অতল,  
হেরিয়াছি অকুল পাথার ।  
ত্যাগিয়াছি লক্ষ্যভূমি,  
আমার হয়েছ তুমি,  
চিন্তা নাহি আর—  
সাগর—সাগর শুকায়ে গেছে  
গিয়েছি ওপার ।

বিত্তীয়ণ । ভক্তের বাড়াতে মান  
একি কথা কহ তুমি বৈকুণ্ঠের পতি !  
দীন আমি, দাস আমি  
অধম তারণ তুমি—  
মহ মম নতি ।

# পঞ্চম দৃশ্য

লঙ্কার অভ্যন্তর

বিরূপাক্ষ ও রাক্ষসগণ

শ্লোক

ডমরু হরকর বাজে ।

ত্রিশূল-ধর অঙ্গ ভঙ্গ-ভূষণ

ব্যালমাল গলে বিরাজিত ;

পঞ্চবদন সিংহকধর শিব বৃষবাহন,

ভূতনাথ রৌণ্ড কুণ্ডল শ্রবণে শোভে ।

অনাদি পুরুষ অনন্ত অঘহর,

মঙ্গলময় শিব সনাতন শঙ্কু,

শূলপাণি চক্রশেখর বাঘাধর সাজে ।

ত্রিপুর-বিজয়ী ত্রিলোক-নাথ,

শোভা অপরূপ গৌরী সাধ,

ভক্তন কহে এতু দয়াময়

পাপ তাপ অসীম হর হর ।

## ষষ্ঠ দৃশ্য

রাবণের কক্ষ

কালনেমী ও রাবণ

রাবণ ।

ফিরিল না বিভীষণ ।

দিকে দিকে পাঠাইছু রথ

কোথা গেল নাহিক সন্ধান ।

অভিमानে কোথায় লুকাল ?

কালনেমী ।

উত্তলা হওনা ভাগিনের !

রাবণ ।

বুঝি নাই এতখানি বুক জুড়ে ছিল সে আমার ।

যেখানে রাবণ—সেইখানে বিভীষণ,

তাই বুঝি মর্যাদা বুঝিনি ।

বুঝিতে পারিনি আমি—

রাবণ সম্পূর্ণ নয় বিনা বিভীষণ ।

পদাঘাত করিলাম কেন ?

সহস্র উপায় ছিল নিবারণে তারে

পদাঘাত করিলাম কেন ।

পদাঘাত বহি করিলাম

নির্কাসিত করি কেন ?

পিপাসায় শুক তালু, ব্যথায় কাতর,

অনিদ্রায় অনশনে দুর্গম গহ্বরে কোন



ভাই মোর অর্কমৃত ধুলার লুটার !  
 ফিরে আয়—ফিরে আয় বিভীষণ,  
 এক বিন্দু অক্ষ যদি নাহি ঝরে তোমর  
 অভাগা ভারের তরে—

ফিরে আয়—কাঁদিছে সরমা,  
 গুরগী কাঁদিয়া ফিরে ।

মাতুল—মাতুল—

সব চেয়ে বড় ছঃখ কি তা তুমি জান ?  
 প্রতিবাদ করিল না বিভীষণ ।

আমার সমস্ত শক্তি, দর্প অহঙ্কর  
 চূর্ণ ক'রে দিয়ে গেল—

বিনা যুদ্ধে পরাস্ত করিয়া গেল মোরে !

কালনেমী । তবে স্পষ্ট বলি—নহে তোষামোদ ।

অস্ত্র ধরা, প্রতিবাদ রাবণ বিরুদ্ধে  
 শক্ত বড়—শক্তি যদি থাকিত তাহার  
 প্রতিবাদ বিভীষণ নিশ্চয় করিত ।

রাবণ ।

রাবণের পার্শ্বে বিভীষণ—

বিভীষণ নাই আজ

সেইস্থানে দাঁড়াইয়া তুমি—মাতুল—কালনেমি ।

ব'ল না—ব'ল না— সাবধান—

শক্তি নাহি ছিল তার ।

বিভীষণ ছিল শক্তিধর ।

(হাঁ—হাঁ, আমি শক্তিমান—শক্তি আছে মোর—  
 বিশ্ববিজয়িনী শক্তি

জানে ত্রিভুবন,  
 কিন্তু প্রভু সে আমার,  
 যেন রাজা মোর  
 আদেশ আমায়ে করে,  
 ক্ষিপ্ত করে—  
 ইচ্ছামত ছুটায় আমার।  
 আর বিভীষণ—শক্তি ছিল পড়ি  
 চরণে তাহার—দাস তার।  
 গজাধর সম বিভীষণ  
 শক্তি-বেগ করিয়া ধারণ  
 অমর জগতে।)

বিভীষণ বন্ধ লক্ষ্য করি যেইক্ষণ  
 তুলেছিছু অভিশপ্ত বাম পদ মোর,  
 তুমি দেখনি মাতুল—  
 পদ নিয়ে মোর—ধর করি  
 উঠিল ধরিত্রী কাণি।  
 সেই প্রচণ্ড আঘাত—  
 বিভীষণ বন্ধে নাহি পড়ি  
 ধরিত্রীর বন্ধে যদি পড়িত মাতুল—  
 মেঘে যেত পাতালে পৃথিবী।  
 শক্তিধর ভাই মোর  
 পরাঘাতে মূর্ছা যায় নাই।  
 রাবণের পরাঘাত বিভীষণ বন্ধে  
 কেমনে সম্ভব হ'ল

ভাবিতে ভাবিতে ভাই ধূলার লুটাল ।

কালমেঘী । যাক কথা—তুমি রাজা, তর্ক নাহি গায়ে ।

কাতর হ'য়েছ বড়—বুঝিবেনা—

কিন্তু এবে ভাব—রাম সৈন্ত কেমনে সমুদ্র হ'ল পার ।

পাঠাইলে শুক ও সারণে

ফিরিল না কেহ—

পাঠাইলে ভস্মলোচনে—সেও নাহি ফেরে ।

অপেক্ষায় বসে থাকি নহে সমিচীন ।

তুমি রাজা দশানন—

বিভীষণ নাই বলি—শত্রু আমি

তোমারে শাসায় বাবে

কিছুতেই সহ আমি করিব না তাহা ।

রাবণ । না—না—হইবে বাঁচিতে,

হস্ত শক্তি হবে উদ্ধারিতে—

বাঁচি যদি—বাঁচিব রাবণ যত,

মরি যদি—

বুঝিবে সকলে—মরিল রাবণ ।

কিন্তু কি করি—কি করি !

মাতুল—মাতুল—

শক্তিরে ক'রেছি কলুষিত

বিভীষণে করি পদাঘাত ।

হস্ত ভাবি—ছোট হ'য়ে বাই ।

রাজ্য মোর, তপস্বী আমার—আমার—সে দিখিছ

কছি যেন নয় মনে হয় । এও ঘটিল—

বিভীষণ বন্ধে রাবণের পদাঘাত !

এর পর আর কি ঘটবে—

কি ঘটিতে পারে আর ?)

কালনেমী । এ সংসার ঘটনা বহুল—

যেটির সীমা নাই তার—

হয়ত বা এখনি ঘটিতে পারে এমন ঘটনা,

যাহে তুমি ভাগিনেয়—রাজা দশানন—

রাবণ । ঘটাও মাতুল—সৃষ্টি কর—সৃষ্টি কর—

ডাক সেই ঘটনাকে—

অঙ্গ পরশনে যার—হিমাঙ্গ আমার

অগ্নি-গর্ভ হয়ে উথলিয়া উঠে—ধারায়—ধারায়—

( নেপথ্যে তরনী ; জ্যেষ্ঠতাত ! জ্যেষ্ঠতাত ! )

রাবণ । সর্বনাশ—তরনী—তরনী—কোথায় লুকাই !

বাধা দাও—হে মাতুল—বাধা দাও—

বলে দাও রাবণ এখানে নাই—

বাধা দাও—এখনি কাঁদবে

অসাড় করিয়া দেবে মোরে—

( তরনীর প্রবেশ )

তরনী । জ্যেষ্ঠতাত ! জ্যেষ্ঠতাত ! কি ক'রেছ তুমি ?

রাবণ । অস্তায় ক'রেছি বৎস—করিয়াছি অবিচার,

কমা কর মোরে ।

নিষ্ঠুর নিশ্চয় হ'রে বন্ধে তার করিয়াছি পদাঘাত—

কিন্তু তোরা কি করিলি—

তোরা তাকে বাধা কেন নাহি দিলি,  
তোরা কেন ছেড়ে দিলি।

রথী । আসিনি পিতার ভরে,  
আসিয়াছি—কান্ডিতে তোমার ভরে—  
রাজা হ'রে কি ক'রেছ তুমি।

শ্রীকৃষ্ণ । তরুণি—তরুণি—

রথী । তুমি যে বলিয়াছিলে—সোণার লঙ্কার তব  
আছে সব—

নাই গীতা আর রাম—লক্ষ্মী-নারায়ণ।

তুমি যে বলিয়াছিলে

বলেতে গ্রহণ করা ধর্ম রাক্ষসের—

কেশে ধ'রে তাই তুমি এনেছিলে গীতা।

তুমি যে বলিয়াছিলে জ্যেষ্ঠতাত।

গন্ধর্ক কিম্বদন্তি হ'ক—হউক দেবতা

হ'ন লক্ষ্মী—হ'ন নারায়ণ—

দয়ার অতিথি হয়ে

রাক্ষস না বাঁচবে কখনও!

তুমি যে বলিয়াছিলে—পোষা পাখী করিতে গীতায়

লক্ষ্মীরে রাখিতে চিরদিন

রাখিয়াছি বন্দিনী করিয়া তার;

নহে সে চঞ্চলা, চলে যার কোথা কোন ছলে।

এতখানি ভুল—কেমনে বুঝালে যোরে।

যে শক্তিতে ত্রিভুবন ক'রেছিলে ধর

সেই বাছ দিয়ে—

রাজা হ'য়ে কেমনে হরিলে সীতা—  
 রাঘবের নারী—পর-নারী জ্যেষ্ঠতাত !

[ প্রহান

রাঘব ।

এ—কি ঘটনা ঘটিল মাতুল ।  
 চাহিলাম রক্ত আমি অঞ্জলি ভরিয়া  
 এল অশ্রু বিন্দু বিন্দু ঝরি ।  
 চাহিলাম অশনি নির্ঘোষ,  
 রুদ্র রোষ তরঙ্গে তরঙ্গে,  
 চাহিলাম বিদ্রোহ জ্রুকুটি—  
 এল শুধু অমুনর অমুযোগ—বাগকের করুণ ক্রন্দন !  
 চাহিলাম আমি সর্বনাশ—

( শুকের প্রবেশ )

শুক ।

সর্বনাশ ! মহারাজ ! হইয়াছে সর্বনাশ—

রাঘব ।

হাঁ—হাঁ—আমি চাই সর্বনাশ—বল বল শুক,  
 কত বড় সর্বনাশ আনিয়াছ তুমি ?

শুক ।

ছোট মহারাজ দিয়েছেন যোগ

রাম লক্ষণের সাথে—

রাঘব ।

বিভীষণ মিলিয়াছে

রাম লক্ষণের সাথে ।

উন্মাদ উন্মাদ—

মাতুল—মাতুল—বন্দী কর এখনি মাতুলে ।

শুক ।

না—না—নহি আমি উন্মাদ রাজন,

তাই চেষ্টার সমুদ্র উত্তীর্ণ হ'য়ে

রামচন্দ্র এসেছে লঙ্কায় ; তিনি নিজে

লঙ্কা পথে চালিছেন বানর কটক ।

স্বপ্ন ।

আরেরে অধম ! ( গলদেশ ধারণ )

করিয়াছ মনে—

এত অপদার্থ আমি এমন দুর্বল

যে নগণ্য তোমার মত গুপ্তচর এক

উপহাস ক'রে যাবে মোরে !

বিভীষণ চালিতেছে বানর কটক ।

কালনেমী । আ—হা—হা—কি কর ডাগিনের,

ছাড়—ছাড়—কুনই না কি বলে ।

বলি শুক—সদৌ তব সারণ কোথায় ?

কি সংবাদ ভ্রমলোচনের ?

( সারণের প্রবেশ )

সারণ ।

সারণ মরেনি প্রভু,

বাঁচিয়াছে রামের দয়ার ।

মহারাজ ! ছোট মহারাজ—মা—মা—

আপনার কুলঙ্গার ভাই বিভীষণ

ভ্রমলোচনেরে মারিয়াছে জীবন্ত পুড়ায়ে—

উঃ—উঃ—কি মরণ সে মহারাজ ।

মনে করি আর—

সর্বদেহ মোর শিহরিত হ'রে উঠে ।

উঃ—উঃ—

স্বপ্ন ।

( বিকৃতস্বরে ) মাতুল—মাতুল—

কালনেমী । বল—বল হে সারণ—ভ্রমলোচনেরে

কেমনে বিভীষণ

মারিয়াছে জীবন্ত পুড়ায়ে । বল—বল—

সারণ ।

বাধা বিঘ্ন পায় হ'য়ে সে ভস্মলোচন  
 পৌছেছিল—রাম লক্ষ্মণ সন্মুখে ।  
 চক্ষু আবরণ খুলি  
 রাম লক্ষ্মণেরে চাহিয়া দেখিতে,  
 পুড়াইয়া মারিতে তাদের  
 একটি মুহূর্ত্ত আর—  
 মহারাজ—ঠিক এমনি সময়  
 কোথা হ'তে এল বিভীষণ—  
 ভস্মলোচনেরে নিমিষে চিনিল,  
 যুক্তি দিল ধনুকে দর্পণ বাণ জুড়িতে তখনি  
 চক্ষের পালটে কোটা কোটা সৃজিল দর্পণ—  
 সৈন্ত, রথ, সকল শিবির হ'ল আচ্ছাদিত ।  
 কি কহিব মহারাজ,  
 চক্ষের বন্ধন খুলি বেচারী চাহিতে গেল—  
 দেখিল নিজের মুখ দর্পণে প্রথম ।  
 আর কহিতে না পারি মহারাজ—  
 কি ভীষণ—কি সে মরণ—  
 ভস্মলোচনের পদ হতে মস্তক অবধি  
 ধু ধু করি উঠিল জলিয়া—  
 আর সেই আগুনের বেড়াজালে পড়ি,  
 রক্ষা কর দশানন—রক্ষা কর মোরে—  
 আর্তনাদে—জলিয়া পুড়িয়া  
 ভস্ম হয়ে গেল দীর ।

সারণ ।

অলে ধার—অলে ধার বুক—



অলে বহি প্রতি লোম-কূপে,  
বুধি আমি নিজে ভয় হব—  
বুধি আমি হইব উন্মাদ—

সারথী । মহারাজ—এখনও সংবাদ আছে,  
উচ্চারিতে ভয়—জাগে চিত্তে ।

রাবণ আছে—এখনও আছে ? বল—বল—  
হাঁ—হাঁ—হাঁ— আরও আমি চাই—  
আরও আমি চাই ।

সারথী । ভয়লোচনের হস্ত হ'তে প্রাণ পেয়ে তখন শ্রীরাম  
পুরস্কৃত করিয়াছে বিভীষণে ।  
আপনারে রাজ্যচ্যুত করি  
লক্ষা রাজ্যে বিভীষণে করিয়াছে অভিষেক !

রাবণ । এতদূর—এতদূর—এতদূর—  
ভণ্ড বিভীষণ—  
রাজা হবে সোণার লঙ্কার ।  
এতদূর—এতদূর—এতদূর—  
বরশক্র বিভীষণ,  
জাতিদ্রোহী, লঙ্কাদ্রোহী, ধর্মদ্রোহী, কুলাদার—  
আমার সোণার লঙ্কা—  
তুলে দিতে অপরের করে  
শক্রকে দেখাও পথ ।  
মাতৃভূমি পরপদে দলিত করিতে  
আসিতেছ—সিংহাসনে বসিতে আমার ।

কাগনেমী । বুঝিলে কি ভাগিনের—এ সংসার ঘটনা বহল—

বুঝিলে কি—ব'লেছিহু কতদিন আগে  
অতি ভক্তি চোরের লক্ষণ—  
ভিরঙ্কার করিতে আমারে ।

রাবণ ।

মাতুল—মাতুল—  
কতদূরে—কতদূরে উদ্ধ'ন্যাসে ছুটেছে ঘটনা.  
ধরিতে পারিনা আমি,  
হান নাহি দিতে পারি বৃকে ।  
রক্তখাল আমি—  
কিন্তু তবু—আজ আমি সম্পূর্ণ রাবণ ।  
শক্তি সমারোহ আজ তড়িত প্রবাহে  
এই দেহে চেউ খেলে বার—  
পারিনা দাঁড়াতে স্থির ।  
আজ পারি আমি  
দাঁড়াইয়া পৃথিবীর বৃকে  
এই হাত ছুটো দিবে  
পৃথিবীকে উপাড়ি আনিতে ;  
এই নখে—এই নখে—  
সমস্ত আকাশখানা পারি আমি  
ছিঁড়িয়া আনিতে ।  
বাও হে মাতুল—কর আয়োজন—  
বাজাও হুন্দুড়ি—  
আগাও মাতুল—  
শিত সুবা বৃক ত্রী পুরুষ ;  
কিনাও নকলে—ঘর শত্রু কীর্তি কথা ।

জানাইদা যাও সবে—

বিত্তীয়ণ জপমালা হ'তে

অঙ্গুর বাহির হ'য়েছে ।

যাও হে মাতুল, দাঁড়ায়োনা আর—

ইঙ্গিত্তে প্রস্তুত হইতে বল—

সেনাপতি বহুচংগ্রে, অকম্পনে—ডাক হে ধ্রুতক্ষে

ডাক পুত্রদের—

ত্রিশিয়ার, দেবাস্তকে, নরাস্তকে—ডাক মহাপাশে—

এখনি আসিতে বল । )

যাও—যাও—কুস্তকর্ণে জাগাও এখনি ।

কালমেমী । কি বলিছ ভাগিনের,

অকালে ডাকাব ঘুম বাবাজীবনের ।

রাবণ । হাঁ—হাঁ—এর চেয়ে সকাল হবে না আর ।

অমর যখন নয়—মরিতেই হবে ।

ঘর শত্রু ভাই তার

বানর কটক চালে

যদি না দেখিতে পার

জীবন মরণ তার রূধা হ'য়ে যাবে ।

যাও—যাও সবে—

না—না—দাঁড়াও—দাঁড়াও—

বলে যাও সবে—এ বুদ্ধ

নহে আর রাম লক্ষ্মণের সাথে,

নর বামরের সাথে নয়,

নহে বুদ্ধ খাদ্য ও খাদকে ।

এ যুদ্ধ—রাবণে ও বিভীষণে

রাবণে—রাবণে—

ভারে ভারে—

[ রাবণ ব্যতীত সকলের প্রহান

বড় ভয়ঙ্কর যুদ্ধ হবে

অন্ধি গন্ধি সব জানে—

শত্রু বড় হইবে প্রবল—

কোন দিকে দেব না বিশ্রাম ;

দশদিকে দশরূপে অগ্নি উঠিতে হবে ।

( উচ্চৈঃস্বরে ) বিদ্যৎজিহ্ব ! বিদ্যৎজিহ্ব !

( বিদ্যৎজিহ্বের প্রবেশ )

বিদ্যৎ ।

মহারাজ ।

রাবণ ।

আগ্নিরাহ বিদ্যৎজিহ্ব, মারার নাগর !

হাঃ হাঃ হাঃ—

ঘরশত্রু বিভীষণ,

উদ্ধার করিবে সীতা ।

কর দেখি—

নেবে রাজ্য—নেবে সিংহাসন ।

হাঃ হাঃ হাঃ—

বিদ্যৎজিহ্ব ! বিদ্যৎজিহ্ব !

এস—এস—মারার নাগর—

এস—এস—

মারাবুদ্ধ করিতে হইবে ।)

[ প্রহান

## সপ্তম দৃশ্য

অশোক কানন

সীতা ও সরমা

সীতা ।

একি রণ, একি রণ, সরমা, সরমা ।

একি রণ—

উদয়ান্ত অবিশ্রান্ত প্রলয় গর্জম—

বধির শ্রবণ,

উদ্দাম সাগর জল—সৈন্ত কোলাহল,

বজ্রপাত, সিংহনাদ, কাণ্ডুক টকার,

ধ্বনি পৃষ্ঠে প্রতিধ্বনি তুলিয়া ছকার

হাহাকার মাটি হতে তুলেছে আকাশে ।

বাণে বাণে ব্যাপ্ত নভঃস্থল—

লুপ্ত সূর্য্য, লুপ্ত চন্দ্র, লুপ্ত গ্রহতারা,

বজ্রে বজ্রে গাঢ় কালানল ।

আজ যেন পৃথিবীর শেষ—

জীবনে মরণে টানাটানি ।

হুঃখিনী ভগিনি মোর, কে হবে সরমা ?

আমা হ'তে বুঝি হার সর্বনাশ হবে ।

সরমা ।

চন্দ্র সূর্য্য নাহি হের, ইন্দু নিহাননি ।

আমি দেখি কপালে তোমার

আলো দেয় সিঁথির সিঁছরে ।

এহতারা নাহি দেখে দেবি,  
 আমি দেখি বসিয়া তাহারা  
 মণি-মাণিক্যের প্রজাপতি সম,  
 কুতূহলে হেলে ছলে চাঁচর কুন্তলে  
 প্রাণেশের আগমন জানায় তোমার ।  
 ইচ্ছাময়ি, কেন হও বিশ্বরণ,  
 এ যে ইচ্ছা ভব—তোমারি ও আয়োজন  
 মুক্তি নাথে মূল্য তুমি চেয়েছিলে সতি,  
 রাবণের তাই এত মাজ  
 মহামূল্যে দক্ষিণাস্তু করিতে তোমার ।

( তুর্ধ্যক্ষনি )

গীতা ।      ওকি—ওকি—ওকি এ চীৎকার—  
 মর্শ্বস্তদ হাহাকার, বুক ভাঙ্গা কার এ নিঃশ্বাস  
 ভেদ করি সময় কলৌল,  
 তীর বেগে বক্ষ মাখে বিঁধিল আমার ।  
 সন্ন্যাসী, সন্ন্যাসী,  
 পুত্র শোকাতুরা বুঝি পড়িল আছাড়ি ;  
 পতি-হীনা দিল মোরে তীব্র অভিশাপ !  
 মা—না—গীতার ঠেঁচার যদি—এ কাল সময়—  
 এনে দাও উত্তপ্ত গরল—  
 আকর্ষ ভরিয়া করি পান,  
 কাল-রণ হ'ক অবসান ।

সন্ন্যাসী :      সে উপায় রাখনি ত দেবি,  
 আগেছে সমগ্র বিশ্ব, কেঁদেছে এমন !

সঙ্গম তোমার—মাত্র তব আরোহণ—  
 এ ত্রুতের উদ্‌ঘাপন নহেক তোমার ;  
 সানন্দে সাগ্রহে ধরা লয়েছে সে ভার ।  
 কমা কর—কিছা নাহি কর  
 থাক কিছা নাহি থাক হুমি  
 কোন ক্রটি হবেনা বজ্রের—  
 যদবধি এ অনলে আহুতি না পড়ে  
 স্বর্ণলঙ্কা—রাবণের প্রাণ ।  
 কেন কাঁদ আর—কেন ভুলে যাও—  
 কেশে ধরে রাখোপরে তোলা—  
 ক্ষতদেহ, ছিন্ন পরিধেয়, ছিন্ন কেশ পাশ-  
 সঙ্গম রাখিতে তার ছিলনা উপায় কিছু—  
 মুদেছিলে লাজে ছ'নয়ন ।  
 কেন ভোল অনশন, অনিদ্রার নিশি জাগরণ,  
 চেড়ী বেত্রাঘাত, রাবণের কুবচন  
 কেন ভোল সতি ।  
 হের দেবি ওই সুপ্রভাত—  
 আলোক প্রপাত লয়ে—দাঁড়াইয়া প্রাচীরের পারে ।  
 কোথা ছিল পঞ্চবটী বন—কোথা এই অশোক কানন,  
 আজ ত নহেক দূরে—  
 বুক বুক মুখে মুখে  
 নিবিড় প্রেমের শুধু, নিবিড়তা করিতে গভীর—  
 প্রণয়ীর বন্ধরূপে লঙ্কার প্রাচীর )

সীতা ।

নারায়ণ, নারায়ণ, এই যদি আমার জীবন,  
 মৃত্যু মোর কেমন ভীষণ !  
 আজ আমি তরে কাঁদিয়ে কাতরে  
 পতিহীনা, পুত্রহীনা, পিতৃহীন শিশু ।  
 নারায়ণ, নারায়ণ,  
 যে অনলে জলিছে জানকী—  
 বৃষ্টি হবে সে অনলে সীতার নিকর ।

( উন্নত অবস্থার ভরণীর প্রবেশ )

ভরণী ।

ঐ—ঐ—ঐ—আসে—  
 শিশু যুবা বৃদ্ধ সব দল বেঁধে আসে—  
 হি হি করে হাসে—  
 ঘরশত্রু পুত্র বলি দেয় করতালি ,  
 ছুটিয়া পালাতে নারি—চারিদিকে ঘেরিয়া আঁধারে  
 জাতিদ্রোহী, ধর্মদ্রোহী-পুত্র বলি  
 পাছে পাছে ফেরে ।  
 কোথা যাই—কোথায় লুকাই মুখ—  
 খুঁজি খুঁজি, দেখি কোথা স্থান—  
 কোথা গেলে আর কেহ পাবে না সন্ধান )

( ছুটিয়া যাইতে উত্তত )

সন্ন্যাসী ।

ভরণি, ভরণি, কোথা যাও—কি হ'য়েছে ?  
 ( ভরণী সীতা ও সন্ন্যাসীকে দেখিয়া ক্রম সীতার নিকট  
 আসিয়া জাহ্নু পাতিয়া বসিল )



তরনী ।

ওগো, ওগো, রঘুকুল রাজলক্ষ্মি—কি ক'রেছি ।

কোন্ অপরাধে অপরাধী পিতা এ চরণে

এই সাজে সাজালি তাঁহারে ।

মাগো—মাগো—

বিন্মত রাবণ আজি সীতার হরণ,

নহে যুদ্ধ রামে ও রাবণে ।

বাজে রণ ভায়ে ভায়ে,

মাতৃ-হৃৎকে উঠিয়াছে ঝড় ।

লক্ষা রক্ষা তরে একদিকে স্বাধীন রাবণ

অন্যদিকে—মাগো—মাগো

জাতিদ্রোহী, পিতা মোর—ঘরশত্রু বিভীষণ ।

কি করিলি—কেমনে এ বলি নিলি ।

আমার পিতার নাম

জপিত কনক লক্ষা প্রাতে ও সন্ধ্যায়

আজি সেই নামে—

সারা লক্ষা দিতেছে ধিকার ।

সীতা ।

কি করি, কি করি—সরমা—সরমা—কি করি বল,

কার তরে নাহি কাঁদি—কার তরে রাখি অশ্রুজল ।

সরমা

এইটুকু ! আমি বলি কি হয়েছে—

কেন কাঁদে তরনী আমার !

তরনী ।

কি বলিছ মাতা ! কি হ'য়েছে ? কি হয়েছে জান ?

সমারোহ চলেছে লক্ষায়—

বীর সাজে বীর ধর্মে কাতারে কাতারে

লক্ষাত্মি রক্ষাতরে

ছোট বড় সকলে চ'লেছে ;  
 আমারে ডাকে না কেহ,  
 আমি যাব বলিতে না পারি—  
 অঙ্গাগারে বুঝি মোর প্রবেশ নিষেধ ।  
 যে সীতায় নেহারি নয়নে  
 সাধ হ'ল হেরিবারে কেমন শ্রীরাম,  
 কীৰ্ত্তিকথা, বীৰ্য্যগাথা শুনিতে শুনিতে  
 অমুমানে মূৰ্ত্তি ধার চিত্রিহু হৃদয়ে,  
 সেই নাম জপিতে জপিতে  
 ভরিল না ক্ষুধা—তৃষ্ণা বেড়ে গেল—  
 সেই রাম নাম  
 উচ্চারিতে জাগিছে সঙ্কোচ ।

সরস্বা । শাস্ত হও কুমার আমার, হওনা বিহ্বল—  
 কেন ভোল—এ জগতে নহে কেহ কার,  
 শুধু আসা যাওয়া—  
 দৃশ হ'তে দৃশ পরে অভিনয় করা ।  
 বলি আরবার, শুন পুত্র—এ জগতে ধর্ম শুধু মার,  
 ধর্ম আপনার ।  
 সেই ধর্ম তরে—  
 পিতা তব করিয়াছে আত্মবিসর্জন—  
 বিফলে যাবে না ।  
 শুধু মনে রেখ আদেশ তাঁহার—  
 ধর্ম পথে দৃঢ় হও,  
 সূণ্য লজ্জা অপদায়ে ক'রনা ক্রক্ষেপ ।

ডাকেনি তোমারে তারা আজ ?  
কাল তারা বুঝিবে সে ভুল করিবে আক্ষেপ,  
সসম্মমে ডেকে নিয়ে যাবে ।

( নেপথ্যে—জয় রাবণের জয়—জয় রাবণের জয় )

সরমা । রাবণের জয়—রাবণের জয়— [ সরমার প্রস্থান  
শরণী । কোন জয়ে নাহি মোর কোন অশুভূতি—

পরাজয় আমার আশ্রয় ! [ ধীরে ধীরে প্রস্থান

( নেপথ্যে—জয় রাবণের জয়—রাবণের জয় )

সীতা । আসে দশানন—কি করি—কোন্ দিকে যাই—

( রাবণের প্রবেশ )

রাবণ । প্রয়োজন নাহি আর—সব শেষ সীতা !

হের ধনু—

পার কি চিন্তে ?

( বেশ ভাল করিয়া ধনুক দেখিয়া—পরে রাবণকে ভাল করিয়া দেখিয়া )

সীতা । কোথা পেলো এই ধনু ?

রাবণ । চিনেছ তাহলে ।

( ধনুক ফেলিয়া দিয়া নেপথ্য উদ্দেশ্য করিয়া )

নিয়ে এস এইবার—ছিন্নমুণ্ড শ্রীরামের ।

সীতা । ছিন্নমুণ্ড শ্রীরামের ।

রাবণ । রাজার সম্মানে রাখিয়াছি সুবর্ণের খালে ।

( ছিন্নমুণ্ড লইয়া চেড়ী আসিল, ও সীতার সম্মুখে ধরিল )

সীতা । একি—একি—একি ।

( কাঁপিতে কাঁপিতে মুচ্ছিত হইয়া মাটিতে পড়িল )

রাবণ ।      গীতা ! গীতা ! গীতা !

উঠ গীতা, কাঁদিলে কি ফল বল !

( গীতার মূর্ছাভঙ্গ—গীতা উঠিয়া বসিয়া আকাশ পানে  
তাকাইয়া রহিল, অতি বেদনায় প্রাণে যেন কোন  
বেদনা নাই । রাবণ আপন মনে  
বলিয়া যাইতে লাগিল )

রাবণ ।      কাঁদিলে না ফিরিবেন রাম,

কৈদে কেহ কভু মরেনি কখনও ।

হুইদিন, আবার হেসেছে—

সংসারের সব স্বাদ—আবার পেয়েছে ।

থাক যদি এ লঙ্কার বহুমানের রাখিব তোমায় ।

দশানন পূজেনি কারেও

পূজা পাবে রাবণের তুমিই প্রথম ।

আর যদি একান্তই স্বামী সাথে যেতে চাও সতি,

আড়ম্বরে চিতা গ'ড়ে দেব নিজ হাতে ।

গীতা ।      না—না—না—এ যে দর্প মোর ।

সর্ব লোকে বলে—অবিধবা গীতা—

আমারে বিধবা করে কে সে দেবতা !

রাবণ ।      দর্পহারী আছে নারায়ণ—

হয়ত বা—হ'ত না এমন,

দর্প কর—তাই দর্প চূর্ণ তিনি করিলেন আজ ।

গীতা ।      সরমা, সরমা, কোথা তুমি ? ছুটে এস—

দেখত—দেখত—সিঁথির সিঁদুর মোর হ'ল কি মলিন !

কলে হাও সত্য কথা—

মায়াধর রাক্ষসের মায়া—

অমঙ্গল ভয়ে ফেলিতে পারি না আখিজল ।

রাবণ । কোথায় সরমা ! কেহ নাই ।

পারে কি দেখাতে মুখ সরমা তোমায় ;

সে যে ব্যথী তোমার ব্যথার ।

রাম নাই—রাম নাই—এ মুণ্ড রামের—

মিথ্যা হ'লে ছুটে চলে আসিত সরমা !

( মন্দোদরীর প্রবেশ )

মন্দোদরী । আসেনি সরমা—কিন্তু আসিয়াছি আমি ।

মিথ্যা কথা—মিথ্যা কথা—

শ্রীরাম জীবিত ।

ব্রহ্মহস্তে বিনাশিছে রাক্ষসের চমু ।

এ মায়ামুণ্ড—মায়া রাবণের ।

রাবণ । মন্দোদরি ।

মন্দোদরী । ছিঃ ছিঃ মহারাজ— এ যে অতি হীন কাজ !

কত নীচে আর যাবে নেমে ?

আর যে নাহিক তল—

তোমার এ হীন আচরণে—মরমে মরিয়া যাই ।

রাবণ । রাগি—

সীতা । না—না—না—

বল বল হে রাবণ—তুমি বল, জিজ্ঞাসি তোমায় ;

বিশ্বশ্রবা মুনির ঔরসে জন্ম যদি তোমার রাজন.

সমাগরা লঙ্কার ভূপতি,

পুত্র যদি দেবেস্ত্র বিজয়ী,

সাধনায় তব—

ছারে ভৃত্য সম—বাঁধা যদি দেবতা সমাজ,

তবে—বল—বল মহারাজ,

তোমারে জিজ্ঞাসি আমি—

বল—বল—সত্য কিম্বা মিথ্যা এই মায়ার কাহিনী !

মন্দোদরী । বল—বল—মহারাজ—নীরব কি হেতু ?

বল—নহে মায়ামুণ্ড—ছিন্ন শির সত্য শ্রীবামের ।

রাবণ । বলিতাম তাই—

সীতা যদি হ'ত মন্দোদরী ।

কেমনে বলিব ?

প্রশ্ন সীতা করেনি মায়ায় মোর,

প্রশ্ন সীতা ক'রেছে রাবণে ।

রাবণ বলিবে মিথ্যা !

নারী হস্তে পরাজয় মানিবে রাবণ !

শোন সীতা—

গরে নাই রাম—এ মায়ামুণ্ড, মায়াধনু

গড়িয়াছে বিদ্যুৎজিহ্ব আমার আদেশে,

পরীক্ষা করিতে তোমা—

সত্য সীতা তুমি—কামনা আমার,

কিম্বা তুমি সামান্য রমণী

যথা—মন্দোদরী ।

( সারণের প্রবেশ )

সারণ । মহারাজ, ভীষণ বারতা—

মরিয়াছে অকম্পন—ধূত্ৰাক প'ড়েছে রণে ।

আর চারি পুত্র তব—

মহারাজ—মহারাজ—

ছিন্ন শির সব—বাণে বাণে বিদ্ধ হ'য়ে

শূন্যে শূন্যে ঘুরে

তোমারই সিংহাসন তলে প'ড়েছে আছাড়ে ।

[ প্রস্থান

বাবণ ।

চারি পুত্র নিহত আমার !

মনোদরী ।

না—না—কাদিবনা আমি—

ঘৃণা তুমি ক'রনা জানকি !

পুত্র মরে কাদে না জননী ।

বাবণ ।

( সীতার প্রতি ) কি খুঁজিছ হরিণাক্ষী চঞ্চল নয়নে ?

চারি পুত্র নিহত আমার—

খুঁজিতেছ অশ্রু বৃষ্টি রাবণের চোখে !

হাঃ হাঃ হাঃ—

[ বিকট হাস্যে ভীতা বা অপ্রতিভ সীতার ধীরে ধীরে প্রস্থান

ওনে যাও—ওনে যাও—জনক দুহিতা,

আমি দশানন—

নহি দশরথ দুর্বল মানব,

বনবাসে দিয়ে পুত্র শোকে ত্যজিল জীবন ।

এ দেহ প্রস্তর—

এই বন্ধ—এই বন্ধ—লৌহ বন্ধ মোর ।

মনোদরী ।

হায় অন্ধ !

দেখ নাই—প্রস্তর কাটিয়া যায় ধর রৌদ্র তাপে

ক্ষয় হয় সলিল ধারায় ;

বহি তাপে লৌহ গ'লে বাষ্প হ'য়ে যায় ।

ক্ষুদ্র মানব বলি করিছ উপেক্ষা ?  
 অতি দর্পী—তুমি লঙ্কেশ্বর—  
 তাই বুঝি তব—দর্পের সম্মান  
 না দিলেন ভগবান ।  
 বজ্র দেহ ধরি তাই বুঝি মহাকাল  
 হ'ন নি প্রকট,  
 বিকট বরাহ মূর্তি নহে নারায়ণ—  
 এসেছেন কুম্ভম কোমল নর দেহ ধরি—  
 ভেঙ্গে দিতে ফুলের আঘাতে  
 আগ্নেয় ভূধর !  
 মহারাজ—  
 পাবক শিখায় জড়াইয়া গায়  
 কোতুকে খেলিতে চাও !  
 পুচ্ছ ধরি ক্রুদ্ধ ভূজঙ্গীর  
 প্রাণে চাও চূষিতে ফণায় !  
 বংশে বাতি দিতে কেহ না রহিবে ।  
 না—না—মহারাজ—এখনও উপায় আছে ।  
 দস্তে তৃণ করি—লক্ষীর চরণ ধর—  
 নহে রথ—আন চতুর্দোল—  
 নাহি বিভীষণ—কুম্ভকর্মে সাধে লও—  
 দুই ভায়ে স্বপ্নে করি  
 কিরে দিবে এস জানকীরে রাঘব চরণে—  
 নতুবা মজাবে লঙ্কা—মজিবে আপনি ।

( মন্দোদরী গমনোত্তত—রাঘব হস্ত ধরিল )



রাবণ । না—না—কোথা যাও রাণি—  
 ভীত আমি—পরিত্যাগ ক'রনা আমারে ।  
 তাই করি—তাই করি—  
 কি কাজ আহবে—  
 কেন ডাকি নিশ্চিত মরণে—  
 তাই করি—ফিরে দিয়ে আসি জানকীরে  
 রাখব চরণে ।

মন্দোদরী । প্রভু, নাথ, দেবতার বর-পুত্র তুমি,  
 এইত পৌরুষ তব—বীরত্ব তোমার ।

রাবণ । না—না—ছাড়িবনা হস্ত তব—ধরি দৃঢ় ক'রে ।  
 ছাড়ি যদি পুনঃ পাব ভয়—  
 বংশে বাতি দিতে কেহ না রহিবে—  
 তাই করি—তাই করি—  
 তোমার সমক্ষে কহে দিই আদেশ আমার—

মন্দোদরী । মহারাজ—আজ সত্য আমি মহিষী তোমার—

রাবণ । হ্যা—হ্যা—সত্য তুমি মহিষী আমার—  
 কে আছ নিকটে—  
 সেনাপতি, দৌবারিক, যে কোন সৈনিক,  
 কিম্বা কোন দূত—কে আছ নিকটে—?

( শুকের প্রবেশ )

শুক । মহারাজ !

রাবণ । জান—কয়জন সেনাপতি—চারি পুত্র মোর  
 মরিয়াছে রাম লক্ষণের রণে ?

শুক । জানি মহারাজ—

রাবণ । জান—কত পুত্র, কত পৌত্র মোর, কত সেনাপতি ?

শুক । লক্ষ পুত্র মহারাজ—সওয়া লক্ষ নাতি  
অর্কুদ অর্কুদ সেনাপতি ।

রাবণ । ( মন্দোদরীর দিকে তাকাইয়া )  
রণ সাজে—এখনি আসিতে বল সবে ।  
সেনাপতি আজি—বজ্রদংষ্ট্র—  
মরে যদি বজ্রদংষ্ট্র  
প্রহস্ত যাইবে রণে,  
প্রহস্ত যতপি মরে—  
যাবে অতিকায়  
মরে যদি সেই মহাবীর—

মন্দোদরী । মহারাজ—মহারাজ—

( কালনেমীর প্রবেশ )

কালনেমী । জাগায়েছি কুস্তকর্ণে—ভাগিনেয়—

রাবণ । জাগিয়াছে কুস্তকর্ণ—  
শূলীশঙ্কু সম ভাই মোর—জাগিয়াছে ?  
হাঃ হাঃ হাঃ—

দস্তে তৃণ করি সীতা ছেড়ে দিয়ে  
অঞ্চল ধরিব তব—

এত সাধ তোমার হে রাণি !

[ প্রস্থান

মন্দোদরী । ডাকিতেছে মহাকাল—ওরে কালগ্রস্ত !

দায়রে হতভাগিনী !

বিন্দাম

# অষ্টম দৃশ্য

লঙ্কার রাজপ্রাসাদ

তরণী

তরণী । অবরুদ্ধ আমি  
বিশাল বিস্তৃত স্বর্ণ-লঙ্কার মাঝারে ।  
জ্যেষ্ঠতাত বড় ভালবাসেন আমারে  
হাতে পায়ে তাই বুঝি পড়েনি শৃঙ্খল !  
অপরাধ মোর ?  
কি ক'রেছি আমি তোমার চরণে জ্যেষ্ঠতাত,  
সকলে অবজ্ঞা করে—তুচ্ছ করে  
করে অপমান ;  
আর তুমি কহ না কোনই কথা !  
কি করিলে তুমি তুষ্ট হবে !  
আমি ত ঘাইনি পিতা সাথে ;  
পিতা মোরে রেখে গেছে তোমার চরণে—  
ব'লে গেছে তোমারে সেবিত্তে । ( বিষন্নভাবে অবস্থান )

[ কয়েকজন রক্ষকঃ বাগকের প্রবেশ ]

১ম বালক । মরিয়া না মরে রাম এ কেমন বৈরী হে—

২য় বালক । মরিবে কেমনে বল—পিছনে যে তৈরী হে—

৩য় বালক । না—না—হে, অত সোজা নয়—রাম যুদ্ধ কিছু জানে—

৪র্থ বালক । হাঃ—হাঃ—বীরত্ব বেরিয়েছিল রামের সে দিনে—

২য় বালক । ভয়লোচনের—কি বলে—একটি নয়নের বাণে—

৪র্থ বালক । মুখের কথা তুই আমার—নিয়েছিস কেড়ে—

১ম বালক । অমন হয়—অমন হয়—

ভয়লোচনের মুখের গ্রাস নিয়েছিল কেড়ে

ঘরশত্রু রাক্ষস এক বেড়ে—

২য় বালক । তুই বলেছিস বেড়ে—বলেছিস বেড়ে—

তরনী । কি বলিছ—কি বলিছ—?

১ম বালক । গল্প করি মোরা—তুমি বাবা আস কেন ভেড়ে ?

২য় বালক । বিভীষণ নাম ত করিনি কেউ—

তোমারি বা লাগে কেন চেউ ?

৪র্থ বালক । তোমারি বা লাগে কেন গায়ে ?

বাপের ব্যাটা—ব'সে কেন—যাও না নায়ে পোয়ে—

তরনী । কি বলিলে ? বল পুনর্বার—

১ম বালক । ইস্—টোঁড়া হ'লে কি হয়—চক্কোর আছে দেখি ।

খাল কেটে কুমীর আনেন—রাবণের ঘরের ঢেঁকি ।

ওরে আয় চ'লে—আয় চ'লে—

দেখছিস না—ঘরশত্রুর ছেলে—

মেশে কি—তেলে আর জলে ।

[ সকলের প্রশ্নান

তরনী । মাগো, মাগো, আর আমি পারি না সহিতে,

আর আমি পারি না শুনিতে ।

আমি ত অমর নহি,

তবে কেন আসে না মরণ ?

গুগো মৃত্যু—এস—এস—তুমি—

না—না—না—বিভীষণ-পুত্র আমি

হইব ভীষণ—

দেখাব জগতে—

ভরণী ডুবিতে পারে—পারেও ডুবাতে । ( যাইতে উদ্ভত )

( সরমার প্রবেশ )

সরমা । কোথা যাও যাদুমণি, না বলিয়া মোরে  
আশীর্বাদ না ল'য়ে আমার !  
বড় কি লেগেছে ব্যথা—বেজেছে অস্তরে ?  
যেতেছ কি অঙ্গহাতে বধিতে গৌরবে  
বালকের দলে ?  
কি জানে উহারা ?  
চপলতা ক'রেছে প্রকাশ চঞ্চল স্বভাব হেতু ।  
শাস্ত হও—কুমার আমার !

ভরণী । আমি যাই জ্যেষ্ঠতাত কাছে,  
অঙ্গ ধরি জিজ্ঞাসিতে তাঁরে—  
কেন শাস্তি এত !  
কেন এত অবহেলা !  
আমার এ প্রাণ লয়ে—  
কেন এত খেলা !

সরমা । মাথা নত ক'রে দাঁড়াবে বেখানে,  
যাও তুমি অঙ্গ হাতে সেথা !  
রাজা হ'তে মহারাজা—গুরু হ'তে গুরু,  
বাৎসল্যে অধিক যিনি জনক হইতে

যাও তুমি অস্ত্র হাতে সম্মুখে তাঁহার ।

ছিঃ—ছিঃ—

এতই উদ্ধত তুমি আজ—এত জ্ঞানহীন !

তরণী । তবে যাব না জননী সেথা—

বাই আমি লঙ্কার বাহিরে,

ঝাঁপ দিই সমর তরণে ।

ছেড়ে দাও—ছেড়ে দাও দেবি !

লঙ্কার সম্মান যারা

আমা বই সব চ'লে গেছে ।

সরমা । স্থির হও—বাছা মোর—

সময় আসিবে—আপনি ডাকিবে ।

অস্ত্র আসি আপনি চাহিবে তোরে ।

যেতে যদি নাহি চাও সে সময় তুমি,

বলে বেঁধে ল'য়ে যাবে তার !

যাবে—জ্যেষ্ঠতাত পাশে ?

বেশ—এস—

কিন্তু কুমার আমার,

বড়ই গর্কের ধন তুমি মোর ;

সে গর্ব অক্ষুণ্ণ রেখ তুমি ।

অতি ধীরে জানাবে বেদনা ;

মনে রেখ মায়ের আদেশ

পিতার আদেশ—

মনে রেখ—মহাশূর তিনি । (চুপন)

এস—তবে—

[ উভয়ের প্রস্থান ]

( বিপরীত দিক হইতে রাবণের প্রবেশ )

রাবণ ।

শূলীশঙ্কু মহেশ্বর,

দেবাদিদেব পিণাকি ধ্বজ্জট !

না—না—কেন ডাকি

কেন করি অমুযোগ !

হয় নাই কোন প্রয়োজন ।

ভুল করিয়াছি আমি

সংশোধন আমারি উচিত

কি করিবে মহেশ্বর !

ধুম্রাঙ্গ গরেছে,

অকম্পন, বজ্রদংষ্ট্র, প্রহস্ত প'ড়েছে রণে,

ম'রেছে ত্রিশিরা—

দেবাস্তক, নরাস্তক, মহাপাশ, মহোদর ।

মরিয়াছে অতিকায়—মকরাক—কুম্ভ ও নিকুম্ভ,

শত শত সেনাপতি—বীরপুত্র মোর

রণক্ষেত্রে পৃষ্ঠ রাখি ধুমাসেছে সব,

মরিয়াছে গর্কের মরণ ।

ভুল করি নাই—

অশ্রু নাই—আনন্দিত দশানন ;

কিন্তু হায়—বুক কেটে যায় )

করিয়াছি ভুল—

নিজ্জাতক ক'রেছি অকালে,

মরিয়াছি নিজ হস্তে কুম্ভকর্ণে আমি ।

এ ভুলের সংশোধন করিতে হইলে

সাগর শোধিতে হবে  
 বজ্রাগ্নি করিতে হবে পান ।  
 কুস্তকর্ণ—কুস্তকর্ণ—  
 মনে হয়—হত্যা করি আপনারে !  
 কিন্তু কেন এই ভুল !  
 একি মোহ মোর—  
 আচ্ছন্ন ক'রেছে সীতা !  
 অর্ধেক জীবন মোর প'ড়ে আছে অশোক কাননে,  
 তাই কি প্রমাদ !  
 তাই কি এ পরাজয়—শক্তি অপব্যয় !  
 রণ জয় করিতে হইবে—  
 সীতাকে রাখিতে—  
 রণ জয় আবশ্যক মোর ।  
 রাবণের পরাজয় হ'তে সীতা বড় নয় ।  
 সীতা যদি অন্তরায়—  
 খড়্গাঘাতে বধিব সীতায় ।

( মনোদরীর প্রবেশ )

[ মনোদরী । তাই কর মহারাজ—বধ কর সীতা !  
 রাবণ । কে বলিছে ? রাণী মনোদরী ।  
 এখনও সাধ—প্রবেশিতে দেবীর দেউলে !  
 ওঃ—কি শত্রু—তোমার সীতা !  
 হাঃ হাঃ হাঃ—  
 আমি চুরি করিলাম তারে



রাঘবের কুটীর হইতে—

সীতা চুরি করিল রাবণে—তোমার অঞ্চল হ'তে ।

হাঃ হাঃ হাঃ—

যাও রাণী—বধ করা হ'লনা সীতায় ।

মন্দোদরী । শক্তি কোথা বধিতে লক্ষ্মীরে ?

রাবণ । শক্তি কোথা—শক্তি কোথা

ক'হে গেছে বিভীষণ,

কহ তুমি—দাঁড়িয়ে সম্মুখে !

জান, শক্তি কারে বলে ?

দেখেছিলে ইন্দ্রজিত নাগপাশ ?

এক বাণ হ'তে—চৌরাশী লক্ষ সর্পের সৃজন !

অগ্নি মুখে,

বায়ু বেগে যায় বাণ মেঘের গর্জনে

আকাশেতে ধরে ফণা ।

পাতালে বাসুকী কাঁপে,

থসে পড়ে ধনুর্কাণ—

উদ্ধ-নেত্রে কাঁপে ঘন শ্রীরাম লক্ষণ ।

হস্তে, পদে, গলদেশে,

সর্ব দেহে মৃত্যুর বেষ্টন,

ঢলে পড়ে বিষের জালায় ।

মন্দোদরী । কিন্তু পরিণাম তার ?

থ'সে পড়ে নাগপাশ গরুড় নিশ্বাসে ?

রাবণ । শক্তি কোথা—শক্তি কোথা—

দেখেছিলে শেলপাট মোর

মন্ত্রপুতঃ ষমের দোসর ?  
 ছাড়িলাম লক্ষ্মণের বক্ষ লক্ষ্য করি—  
 সম্বর সম্বর রব উঠিল চৌদিকে ।  
 সূর্য্য কাঁপে, চন্দ্র খসে, বায়ু স্তব্ধগতি,  
 মেঘে রক্ত বরিষয়,  
 আকাশে অমর কাঁপে,  
 অচেতন পড়িল লক্ষ্মণ !

মন্দোদরী । কিন্তু তারও পরিণাম ?  
 যেই হস্তে তুলেছ কৈলাস,  
 তুলেছিলে মন্দার পর্ব্বত,  
 সেই হস্তে উত্তোলন করিতে পারনি  
 তুচ্ছ নর লক্ষ্মণের ভার !  
 লয়ে গেল তুলিয়া বানরে ।  
 কি ক'রে তুলিবে—বৈরী তুমি,  
 বিশ্বস্তুর মূর্ত্তি—ধ'রেছিল নারায়ণ ।

বাবণ । নারায়ণ—নারায়ণ—  
 জান মন্দোদরী,  
 কতবার মরিয়াছে তব নারায়ণ  
 ইন্দ্রজিত রাবণের হাতে ?  
 দেখেছিলে সেই শক্তি ?  
 ইন্দ্রজিত মেঘের আড়ালে—  
 দেখেছিলে খুরপাৰ্শ্ব অর্ধচন্দ্র বাণ ?  
 বাণ বিদ্ধ মরিল শ্রীরাম  
 মরে যথা হরিণ শাবক ।

মরিল লক্ষ্মণ,  
দূরে ম'রে প'ড়ে আছে সুগ্রীব, অঙ্গদ,  
নল, নীল—

ভল্লুক সে জাম্বুবান ।  
মরিল সকল সৈন্য—বানর কটক ।  
কে ছিল বাঁচিয়া ?

ভাগ্য জোরে মাত্র হুমান ।

নারায়ণ—নারায়ণ—

শতবার মরিতে সে পারে নারায়ণ—  
বাঁচিতে পারে না একবার !

বাঁচাল গরুড়ে—

বাঁচায় বানরে !

যাও—যাও—

নারায়ণ যদি বলি বলিব গরুড়ে,  
নারায়ণ বলিব বানরে ।

রাম লক্ষ্মণেরে নহ—

মন্দোদরী । মরে রাম—মরিল লক্ষ্মণ,

বাঁচিয়া উঠিল পুনরায় ।

মরিয়াছে কুম্ভকর্ণ—বাঁচাও তাহারে ?

শক্তির বড়াই কর—

অবশিষ্ট কে আছে আর ?

ভীত ত্রস্ত দ্বার রুদ্ধ ক'রে

লুকাইয়া ব'সে আছে লঙ্কার ভিতরে—

শক্তির বড়াই কর—মন্দোদরী কাছে !

(বানরে বলিবে নারায়ণ !

বুঝিলাম যাদুকর নাচায় তোমায়—  
রাবণ । কে নাই—কে নাই—সব আছে,  
আছে ইন্দ্রজিত—আছি আমি ।

[ প্রস্থান

যাদুকর—যাদুকর—

হাঁ—হাঁ—জানে কিছু যাদু ।

যাদুকরে ধরিব এবার

এক রথে—পিতাপুত্রে—

ইন্দ্রজিত—ইন্দ্রজিত—

( কালনেমীর প্রবেশ )

কালনেমী । নিকুন্তিলা যজ্ঞে ব'সেছে কুমার ;  
ডাকিব তাহারে ভাগিনেয় ? ( যাইতে উদ্যত )

রাবণ । না—না—না—সাবধান—  
ভুল আর ক'রনা মাতুল ।  
যজ্ঞে পূর্ণাহতি দিয়ে  
আসুক অজেয় হ'য়ে—  
ব্যস্ত তারে ক'রনা মাতুল ।  
আমি যাব—

কালনেমী । তুমি কেন যাবে ভাগিনেয় ?  
পাইয়াছি মহাবীর এক  
অপূর্ব কৌশলী—

রাবণ । কে সে মাতুল ! এমন কে আছে আর ?

কালনেমী । কুমার তরুণী—

রাবণ । তরুণী—

হাঁ—হাঁ—বীর বটে—ইচ্ছাজিত তুলা ধর্ষকর

হাঁ—আহত সে পিতৃ আচরণে—

পিতৃ-অপরাধ স্থালনের তরে

ব্যগ্র সে—অধীর ,

কিন্তু যাবেনা তরনী ।

কালনেমী । কেন—এ কথা—কেন বল ভাগিনেয় !

‘যাবেনা তরনী ।’

রাবণ । পাঠাব না—আমি ।

পাঠাতে—পারিনা আমি ।

সে যে সবগার নয়নের মণি

গচ্ছিত আগার কাছে ।

বিভীষণ গেছে—

শত্রু সাথে বন্ধুত্ব পেতেছে ;

তা ব’লে কি আমি হীন হব—লঙ্কার রাবণ,

একমাত্র পুত্রে তার

পাঠাইব এ কাল সমরে ।

আর—ফিরে যদি নাহি আসে

কি বলিব সরমারে !

কালনেমী । ‘ফিরে নাহি আসে’

কি বলিছ ভাগিনেয় ?

মৃত্যু কোথা তরনীর ?

মৃত্যুবাণ তার—জানে মাত্র বিভীষণ,

নাম তার তুমিও জান না

আমিও জানিনা—

কেহ নাহি জানে ।  
 পিতা যদি নিজ হস্তে বিনাশে পুত্রেরে—  
 রাবণ । মাতুল ! এ যে দেখি—তরণী অমর—  
 কালনেমী । একমাত্র পুত্র—সর্বগুণাম্বিত—  
 কপে কন্দর্প বিজয়ী—বীরত্বে মৃত্যুঞ্জয়ী,  
 বিভীষণ ছুটি চোখে—  
 একটি নয়ন তারা !

রাবণ । ধারণার অতীত মাতুল—  
 ত্রিভুবনে মৃত্যুহীন কুমার তরণী !

কালনেমী । আজিকার যুদ্ধে—সেনাপতি—তাহ'লে তরণী—

রাবণ । বাতুকর—যাতুকর—  
 নেত্র আগে উদ্ভাসিত উজ্জ্বল আলোক !  
 তারপর তারপর—

কালনেমী । দিব্যচক্ষু দেখিতেছি, লক্ষাতরে প্রাণ দিয়ে যুঝিছে তরণী—  
 গেল—গেল—রাম ও লক্ষণ—  
 বক্ষা কর—বক্ষা কর—মিত্র বিভীষণ—  
 কিঙ্ক—কোথা বিভীষণ ।  
 অন্ধি সাক্ষ বন্ বুদ্ধি শেষ ।  
 মৃত্যুবাণ জানে বিভীষণ—  
 পারে না বলিতে ।  
 বাছাধন প'ড়ে গেছে ভীষণ ফাপরে—  
 হাঃ হাঃ হাঃ—  
 এক লাধি গিয়েছিল খেয়ে—  
 আসিতেছে—রাম লক্ষণের ছুটি লাধি নিয়ে ।

বাঁবণ ।      তরনী—তরনী ।  
 আজি যুদ্ধে সেনাপতি—কুমার তরনী ।  
 আসে যদি ইচ্ছাজিত—  
 না—সেনাপতি তথাপি তরনী ।

কালনেমী ।      ডাকি তবে তরনীকে ভাগিনেয়—

[ প্রস্থান

বাঁবণ ।      চমৎকার—চমৎকার—  
 রাঘবের মন্ত্রী—বিভীষণ !  
 সেনাপতি আমার—তরনী ।  
 চমৎকার—চমৎকার—  
 যাদুকর—  
 নারায়ণ—  
 বিভীষণ—বিভীষণ—সাবধান বিভীষণ,  
 পরীক্ষা ভীষণ—  
 এই বজ্র পরীক্ষার  
 যদি তুমি—  
 অসম্ভব—অসম্ভব—  
 পিতা হ'য়ে পুত্রেরে—অসম্ভব—

( কালনেমীর সহিত তরনীকে আদিত্যে দেখিয়া )

তরনী—তরনী—

( তরনীর প্রবেশ )

তরনী ।      ডাক—ডাক—জ্যেষ্ঠতাত !  
 ডেকে বল—যুদ্ধে যারে এখনি তরণি !  
 পায়েরে ধরি—পায়েরে ধরি— দাও অচ্যুতমতি ;  
 নাহি চাই—অধ্যক্ষ গৌরব,

সেনাপতি নাহি হ'তে চাই—  
 তোমার সৈন্তের পাছু পাছু  
 সকলের ছোট তুচ্ছ হ'য়ে,  
 সকলের আজ্ঞা ব'হে শিরে,  
 যেতে চাই একদিন—  
 ভিক্ষা করি একখানি জীর্ণ তরবারি ।  
 যুদ্ধ আমি জানি জ্যেষ্ঠতাত !  
 জানি আমি শত্রুরে মারিতে,  
 মরিতে কেমনে হয় ।  
 যদি বাঁচি—ফিরিয়া আসিব,  
 উচ্চশিরে রহিব বাঁচিয়া ;  
 যদি মরি—লঙ্কার গৌরব তরে  
 মাথা রাখি তরবারি 'পরে  
 মরিব গো এমন মরণ  
 ত্রিভুবন বিশ্বরগ হবেনা কখন !

কালনেমী । হাঁ—হাঁ—আমরাও ডাকিতেছি তাই ।

কিন্তু পিতা তব র'য়েছে সেখানে  
 কি ক'রে পাঠান যায়—

তরনী । তবে বন্দী মোরে কর মহারাজ,  
 হাতে পায়ে সর্ব গায়ে পরায়ে শৃঙ্খল  
 ফেলে রাখ অঙ্ককার কারাকক্ষে কোন ।  
 না—না—যুদ্ধে যাব আমি,  
 দিতে হবে অহুমতি রাজা !  
 প্রত্যয় করাই কিসে—কেমনে বুঝাই ?



জ্যেষ্ঠতাত ! পিতার শপথ—

না—না—ঘর-শত্রু পিতা মোর—হবেনা বিশ্বাস—

সত্য করি জননীর নামে—

সত্য করি তোমার চরণ ছুঁয়ে—

তারপর আর কিছু নাই—!

না—না—আছে—আছে—আরও আছে—

সত্যের পালন হেতু যেই মহাভাগ

অকাতরে ছাড়ি রাজ্য—ছাড়ি সিংহাসন—

বনবাসী—স্বৈচ্ছায় সেজেছে যোগী—

স্বৈচ্ছাত্রত-ধারী সেই রাম নামে

করি হে শপথ—বিপথে না যাব কভু ।

কালনেমী । হাঁ—হাঁ—ভয়—ঐ রামচন্দ্রকেই ।

যাহু জানে সেটা—

যাহু ক'রে ঘর-শত্রু ক'রেছে বাবাকে,

তোকেও যত্নপি করে যাহু—

দুই বাপ ব্যাটা মিলি—

রাবণের বৃকে বসি—রাজত্ব করিবে খাস ।

তরগাঁ । কি বলিলে—কি বলিলে ?

অতি হীন তুমি ।

না—না—বল মহারাজ—একথা কি কহিছে রাবণ ?

ত্রিভুবন-জয়ী-বীর—লঙ্কার অধিপ,

এ কি তোমার প্রাণের কথা ?

নিরস্তর—বুঝিলাম— ।

তবে কহি গুন মহারাজ,

তরণীর বাহুবলে ভীত যদি তুমি,  
হৃদয়ের কোন স্থানে ক'রে থাক যত্বেপি পোষণ  
এই শব্দা—

তবে তোমার লক্ষা—উৎসন্ন থাক—হটুক মরণ ;  
এ লক্ষা মজ্জিবে—

কোন শক্তি দিয়ে তারে রোধিতে নারিবে ।

রাবণ । যুদ্ধে যাও বীর !

অনুমতি দিলাম তোমায় ।

নহে সর্ক শেষে—

যাবে তুমি আগে আগে

অগ্রভেরী রূপে

রাবণ বাহিনী লয়ে ।

তরণি—তরণি

আজি যুদ্ধে সেনাপতি তুমি,

বাজা তুমি, রাবণ তাদের ।

বৎস, মান রেখ রাবণের—

মান রেখ সোণার লঙ্কার ।

( রাবণ শিরশ্চূষন করিল—তরণী প্রণাম করিল ) \*

[ রাবণের প্রস্থান

কালনেমী । ( স্বগত ) অবশিষ্ট—ইন্দ্রভিত্ত—আর দশানন ।

[ কালনেমীর প্রস্থান

( সরমার প্রবেশ )

তরণী । মা—মা—

সরমা । পুত্র ! পেয়েছ আদেশ—

চলিয়াছ রণে—

কহ পুত্র—উদ্দেশ্য তোমার—

তরনী ।

উদ্দেশ্য আমার !

জানিনা জননি—বুঝি নাহি পার তার ।

অপবাদে ঢাকা পিতৃ নাম

রাহুগ্রস্ত সূর্য্যদেবে মোর

ব্যাধি মুক্ত করিব জননি !

সরমা ।

পূর্ণ হ'ক মনস্কাম তব—ধন্য হও তুমি ।

এর বড় আশীর্বাদ—না জানে জননী ।

( তরনী প্রণাম করিল )

তরনী ।

সীতা মা—সীতা মা—কোথা মা জানকি !

আশীর্বাদ—

( যাইতে উদ্ভত—সরমা পথ রোধ করিয়া দাঁড়াইল )

সরমা ।

কোথা যাও—কোথা যাও—

জানকীর কাছে ?

না—না—সেখানে যেওনা !

ছিঃ ছিঃ—কত ব্যথা বাড়াবে তাঁহার ?

রামচন্দ্র সাথে বাদ—

সেখানে কি যেতে আছে !

কি আশীর্বাদ করিবেন তিনি—?

'রামজয়ী হও' ।

ছিঃ—ছিঃ—

তরনী ।

তবে যাই আমি—

আসি যদি ফিরে—আসিব সূর্য্যের মত ;

মধ্যাহ্নে গগনে রব,  
 অস্তে নাহি যাব কোন দিন ।  
 আর যদি নাহি ফিরি—  
 কি বলিব—কি বলিব—  
 তবে তুমি কেঁদনা জননি !

[ প্রস্থান

সরমা ।

না—না—কাঁদিব না আমি—কাঁদিব না আমি ।  
 লালসা প্রবল মোর,  
 এক পুত্র তৃপ্ত নহে হৃদি ।  
 এক পুত্র পুত্র নয়—  
 তাই আজি পাঠাইলু তরণীরে রণে  
 শত লক্ষ কোটী হ'য়ে  
 ফিরিতে আমার কোলে ।  
 কাঁদিব না—কাঁদিব না আমি—  
 দশানন পুত্র তরে কাঁদিছেন দশানন,  
 কাঁদি আমি—কাঁদে মন্দোদরী,  
 আমার পুত্রের তরে—কাঁদিব না আমি ।  
 আমার পুত্রের তরে  
 কাঁদিবেক ত্রিভুবন  
 একসঙ্গে—এক সুরে ।  
 দশানন—শ্রীরাম, লক্ষ্মণ, রাক্ষস, বানর  
 মুখোমুখি দাঁড়িয়ে কাঁদবে—  
 মা—মা—ব'লে আমারে ডাকিবে ।

# নবম দৃশ্য

## সমুদ্রতীর

স্বপ্ন

গীত

জিন্ কে হৃদি মে শ্রীরাম বসে  
উন্ সাধন ঠের কিয়ে ন কিয়ে  
জিন্ সস্ত চরণ রজ্জ কে পরসা  
উন তীরথ নীর পিয়ে ন পিয়ে ।  
সব ভূত দয়া জিন্ কে চিত মে  
উন কোটন দান দিয়ে ন দিয়ে ।  
নিত রাম রূপ যো ধ্যান ধরে  
উন রামক নাম লিয়ে ন লিয়ে ॥

## দশম দৃশ্য

রণস্থল

বিভীষণ, সূগ্রীব, অঙ্গদ, মারুতি ও লক্ষ্মণ

[সূগ্রীব ।

কার্য্য তব বাড়িল মারুতি,  
লক্ষা দাহ পুনরায় বুঝি বা করিতে হয় ।

অঙ্গদ ।

দুয়ারে অর্গল দিয়া! সিংহাসনে বসি  
মনে মনে ভাবিতেছে ভীকু  
জিনিয়াছে রণ—

লক্ষ্মণ ।

শুন হে অঙ্গদ—প্রাণ বড় ধন ।  
হোক ভীকু—বুদ্ধিমান দশানন ।

বিভীষণ ।

ভীকু নয়—ভীকু নয়—লক্ষার রাবণ ।  
শত শত পুত্র পৌত্র পড়িয়াছে রণে  
মরিয়াছে কুস্তকর্ণ ;  
চির জীবনের মত ছেড়ে গেছে ভাই !  
ভীকু নয় দশানন—  
কাঁদিবার তরে লয়েছে সময় !  
ঠাকুর লক্ষ্মণ,  
রাবণেরে বল অধাৰ্শ্বিক,  
শতবার বল অত্যাচারী,  
পরনারী-হারী—মহাপাপী বল—  
বলিও না ভীকু তারে ।

সুপ্ত সিংহ গর্জবে আবার

মহারণ বাজবে এখনি ।

অঙ্গদ । ভ্রাতৃ-প্রেমে মুখর যে বিভীষণ—

লক্ষ্মণ । মহারণ—মহারণ—

মহারণে রামানুজ সদাই প্রস্তুত ।

কিন্তু কে করিবে মহারণ ?

কই আসে সে রাবণ—

কেবা আসিবে—কে আছে আর ?

বিভীষণ । ব'ল না—ব'ল না—

বীরেন্দ্র জননী লক্ষা—বীর শূন্য আজি ।

দেবেন্দ্র-বিজয়ী পুত্র আছে মেঘনাদ,

মেঘনাদ পিতা—আছে দশানন—

কেমনে ভুলিয়া যাও ঠাকুর লক্ষ্মণ,

ইন্দ্রজিত নাগপাশ মরণ বন্ধন—

কেন ভুল,—রাবণের ভীম শেলপাট ।

সুগ্রীব । আমাদের জয়ে দেখি সুখী নহে বিভীষণ ।

পরাজিত পর্যুদন্ত দর্পী সে রাবণ

যুদ্ধক্ষেত্র হ'তে সমস্ত বাহিনী ল'য়ে

দ্বার রুদ্ধ ক'রে ব'সে আছে লক্ষার ভিতরে ;

ত্রিয়মান তাই বিভীষণ—ভ্রাতৃ-পরাজয়ে—

অঙ্গদ । আমি ত করিয়াছিহু স্থির—

রাবণের পরাজয়ে—

কুস্তকর্ণের মৃত্যুতে—

শোকে দুঃখে—

আত্মহত্যা করে বুঝি সাগরের জলে ;  
 ছদ্মবেশী বিশ্বাস ঘাতক !  
 মাক্ৰতি । ছিঃ অঙ্গদ—কাকে তুমি কি বলিছ ?  
 বিভীষণ । যথার্থ ব'লেছে—  
 শুধু এরা কেন—কহিছে সকলে ।  
 নিন্দায় আমার মুখর কনক লঙ্কা ।  
 কহে সবে—ঘর-শত্রু আমি—  
 ভাই বন্ধু আত্মীয় স্বজনে  
 হাসি মুখে করাই নিধন ।  
 এল রণে কুম্ভকর্ণ ভাই স্নেহের সমান,  
 পলাইল স্ত্রীব, অঙ্গদ, নল, নীল বীর—  
 কাঁপিছে লক্ষ্মণ,  
 ধরিতে অক্ষয় ধনু—ধামুকী শ্রীরাম ।  
 কাণে কাণে নারায়ণে ব'লে দিগু আমি  
 ভয় নাই—  
 অকালে ভেঙ্গেছে ঘুম মরিবে এখনি ।  
 মরিল প্রাণের ভাই সম্মুখে আমার—  
 মুখে রাম জয় করিলে তোমরা ।  
 কিন্তু কি করিব—গত্যস্তুর কোথা—  
 কে বুঝিবে ব্যথা মোর,  
 আমি যে অমর ।  
 কে বলিয়া দিবে—  
 কোথা মোর ঘর—কে মোর আত্মীয় ?  
 যুগে যুগে রহিব বাঁচিয়া—



কে আমার সঙ্গী হবে !  
 শক্রভাবে ভজিতেছে শ্রীরামে রাবণ—  
 মৃত্যু পরে বৈকুণ্ঠে রাবণ  
 স্থান পাবে বিষ্ণুর চরণে ।  
 গতি মোর—মুক্তি মোর—স্থান মোর !  
 ধরণীর ধূলা সম  
 অনন্ত অনন্ত যুগ ধরি  
 প'ড়ে রব ধরণীর বুকে !  
 তবে—তবে—পূর্ব জনমের বহু পুণ্য ফলে  
 পাইয়াছি যদি আজ চরম আশ্রয়,  
 পাইয়াছি যদি মোক্ষধাম হরির চরণ—  
 নিন্দা গ্নানি অপবাদ ভয়ে লব না শরণ !  
 হে অঙ্গদ—হে স্ত্রীবি, কটু নাহি কহ—  
 ক্ষমা কর,  
 অশ্রু যদি দেখে থাক নয়নে আমার,  
 তন্দ্রাঘোরে ভাই বলে ডেকে থাকি যদি—  
 কণিকের অবসাদ করিও মার্জনা ।

( রামচন্দ্রের প্রবেশ )

রাম ।

কে কাহারে করিছে মার্জনা !  
 কতবার মরিয়াছি রাবণের রণে,  
 কতবার—কতবার—  
 কাঁদিয়াছ মৃতদেহ ক্রোড়ে—  
 কতবার—কতবার—তোমারি দয়াম  
 হারাতে হারাতে ফিরে পেয়েছি লক্ষণে !

এ যুদ্ধ স্থগিত হল—  
 আমি ফিরে যাব ।  
 তুমি ফিরে যাও সখা !  
 ভ্রাতৃশোকে, পুত্রশোকে কাঁদেছে বাবণ,  
 বুক ফাটা আর্তনাদ—  
 শেল বাজে বুকে ।  
 যাও ভাই—  
 অশ্রুজলে বাবণের বুক ভেসে যায়—  
 সে অশ্রু মুছিয়ে দাও তুমি ।  
 সীতা হারা বহুদিন রয়েছি জীবিত  
 পারিব বাঁচিতে—  
 লক্ষ্মণ—লক্ষ্মণ—এস, যুদ্ধ শেষ ।

বিভীষণ । ফিরে যাবে ?  
 অমরত্ব অভিশাপ তুলে দিয়ে শিরে  
 আমারে ত্যজিয়া যাবে ?  
 কিন্তু কোথা যাবে ?  
 বাবণের হস্ত হ'তে কেমনে পাইবে ত্রাণ—  
 সে ত নাহি ছাড়িবে তোমারে !  
 বৈকুণ্ঠ তাহার চাই—  
 লভিবে সে বাহুবলে ।

( নলের প্রবেশ )

নল । রঘুনাথ—রঘুনাথ—  
 সংবাদ ভীষণ !  
 পড়িয়াছে মহামার পশ্চিম দুয়ারে—

হাহাকারে উর্ধ্বশ্বাসে কপি সৈন্যগণ  
 ত্যজিতেছে রণস্থল,  
 পারি না ফিরাতে ।  
 রঘুনাথ,  
 সেনাপতি হুধের বালক এক  
 নিনীর পুত্রলি,—  
 অঙ্গ ব'য়ে লাবণী ঝরিছে  
 চক্ষু হ'তে ঝরিছে বিদ্যুৎ !  
 কাতারে কাতারে দূরে, প'ড়ে আছে রাক্ষস বাহিনী—  
 অশ্বপৃষ্ঠে উদ্ধাবেগে ছুটেছে বালক ।  
 এক হস্তে বিঘূর্ণিত অসি,  
 অগ্ৰ হস্তে শরের সঙ্কান ;  
 দস্তে চাপি দেয় শিশু ধলুকোতে গুণ,  
 আগুণ উগারে বাণ !  
 অক্ষিপ বিক্ষিপ নাহি—নাহিক ক্রক্ষেপ  
 আপে পাশে সম্মুখে পশ্চাতে ;  
 মরণের অগ্রভেরী মত  
 হাসিয়া সে অবজ্ঞার হাসি—করে যেন খেলা !  
 কণ্ঠধরে মেঘমন্ত্র ধ্বনি—  
 কিন্তু অতি স্বমধুর ; )  
 মুখে শুধু এক কথা—কোথায় শ্রীরাম  
 যুদ্ধ দাও—কোথায় শ্রীরাম ।  
 মারুতি, সুগ্রীব, ছুটে এস অঙ্গদ, লক্ষ্মণ,  
 ভ্রাতৃশোকে মানাধর উন্নত রাবণ ।

রাম ।

এল বুঝি রণে  
বালকের ছদ্মবেশ করিয়া ধারণ ।

[ বিভীষণ ব্যতীত সকলের প্রশ্নান

বিভীষণ । কে এল—কে এল—কে এল বালক,  
মুগ্ধ নল বীরত্বে ষাহার,  
মূর্ছাগত নীল মহাবীর !  
কার পুত্র—কে এল বালক !  
আমারে সাহুন। দিল  
বীরশূণ্য নহে লঙ্কা—বীরেন্দ্র ভবন—  
কাপুরুষ নহে কেহ—  
ভীকু নহে লঙ্কার রাবণ ।  
কে এল— কে এল—  
কার পুত্র—কে এল বালক !

( বিভীষণ কিছুদূর অগ্রসর হইতেই—তরণীও বিপরীত দিক হইতে  
একেবারে যেন বিভীষণের বৃকের উপর আসিয়া পড়িল—  
বিভীষণ উন্মাদের মত তরণীকে জড়াইয়া ধরিল )

বিভীষণ । তরণি—তরণি—  
তরণী । পিতা ! পিতা !  
বিভীষণ । ওরে—ওরে—কত যুগ যেন দেখি নাই,  
কতদিন ধরি নাই বৃকে !  
তুই কেন এলি পুত্র !  
তরণী । আসিব না !  
মনে নাই ব'লেছিলে মোরে—

যতদিন রহিবে লঙ্কায়—

রাবণের অন্ন খাবে, ভুল না তাঁহারে,

প্রাণ দিয়ে সেবা কোরো তাঁর ।

বাদী হ'তে পিতার তোমার

যদি কন্ তিনি—তাও হবে রহিল আদেশ ।

বিভীষণ । ভাবি নাই, বুঝি নাই, গর্কিত সে বাণী মোর

অলক্ষ্যে শুনিবে ধাতা—করিবে বিক্রম !

তরণী । কে করিবে বিক্রম ?

কে সে দর্পী—স্পর্ধা এত কার !

ধর্ম চূড়ামণি তুমি,

কেড়ে নেবে মুকুট তোমার ?

কেন ভীত—চিন্তিত কি হেতু ?

অজ্ঞানায় অচেনায় নাহি হবে রণ

বুদ্ধ হবে তোমাতে আমাতে—

পিতা—পুত্রে ।

সেই রণ-রাগে রঞ্জিত হইবে বিশ্ব

দেবতা হেরিবে দৃশ্য—মধুর কঠোর ।

হারি কিম্বা তুমি হার, জিনি কিম্বা জিন তুমি—

গর্ব উভয়ের ।

আমাদের জয় গানে

রোদনে মিশিয়া যাবে সর্ব আয়োজন—

স্বপ্ন হবে রাম নাম—নাম রাবণের ।

অনুরোধ শুধু গো তোমায়,

ভিক্ষা শুধু—মিনতি চরণে,

ব'লনা শ্রীরামে—ক'রনা প্রকাশ—

কি সম্বন্ধ তোমায় আমার !

বিভীষণ । ফিরে যা তরণি—

তরণী । কোথা যাব' ব'লে দাও—কোথায় দাঁড়াব গিয়ে ;

কি বলিব দশাননে ?

বলিব কি, ওগো জ্যেষ্ঠতাত !

পিতৃস্নেহে গ'লে ফিরে এসেছে তরণী,

রাজ ভোগ এনে দাও—কোলে ক'রে চুমা দাও মোরে !

বল, বল, কি বলিব পালকে আমার ?

সর্বোচ্চ সম্মানে যিনি বিভূষিত ক'রেছেন মোরে,

অগাধ বিশ্বাসে যিনি—লঙ্কার বাহিনী,

'মান রেখ' ব'লি হাতে দিয়েছেন তুলে !

বিভীষণ । লঙ্কা যদি নহে নিরাপদ—তবে আয় মোর সাথে,

নিয়ে যাই যথায় শ্রীরাম,

ব'লে দিই—তুই যা আমার ।

তরণী । বল, কেন যাব ! ইষ্ট লাভ কি হবে আমার ?

বল কেন যাব শ্রীরামের কাছে ?

বিভীষণ । ওরে শিশু, বাঁচ আগে বাঁচ—

জাননা বালক,

কি দুর্মদ বীর—রাম ও লক্ষ্মণ,

যাতনা মাধান তীক্ষ্ণ—কি ভীষণ শর,

জ্বু জ্বু লঙ্কা যাছে আজ ।

আসে যারা—ফেরে নাক' আর—

কুমার আমার—না—না—আয় মোর সাথে ।

তরুণী ।

হারা, জেতা, বাঁচা, মরা—

জীবনের যুদ্ধের এইত প্রকৃতি ।

মৃত্যু ভয়ে নিজ ধর্মে দিব জলাঞ্জলি !

জান ? কোন্ ভাগ্যে ভাগ্যবান আমি আঙ—

অর্ধ লক্ষা বাহিনী আমার ;

যারে আজ কহিছ বালক—দেখাইছ ভয়—

সেই আমি—সেনাপতি রাবণের !

তর্জনীর একটি হেলনে, বালকের একটি ইঙ্গিতে—

শত লক্ষ কোটি অসি উঠিবে ঝলসি,

অগ্নিমুখী কোটা কোটা বাণ,

শৃঙ্গে শৃঙ্গে বিছাদ্যাম খেলিবে কোতুকে ।

অবহেলি—

লোভনীয়, বরণীয় বিরাট সম্পদ এই

যদি যাই শ্রীরামের কাছে,

লঙ্কা নাহি দিবে কি শ্রীরাম—

অখ্যাতির হীন মৃত্যু হবে নাকি মোর ?

এসেছি যখন

ভেটিব শ্রীরামে রণে রাবণ প্রতিভূ হ'য়ে ।

বাণে বাণে পথ রোধ করি

আকর্ষণ করিব তাঁহারে ।

দুঃখ ক'রনাক—

যাব আমি তোমারি ধর্মের দ্বারে—

বিভীষণ ।

তরুণী—তরুণী—

তরুণী ।

তবে যাব নাক' বিনা নিমন্ত্রণে ।

সহজে রাক্ষস শিশু—

ভিক্ষা করি লব না শরণ ।

মন্দিরে বিগ্রহ যত রহিবেন তিনি,

আমি শুধু যাব

ফুল, তুলসী চন্দন লইয়া—

আমা হ'তে হেন কার্য্য হবে না সম্ভব ।

আমি যাব অর্দ্ধ পথ—অর্দ্ধ পথ আসিবেন তিনি ।

হ'ন নারায়ণ—

তথাপিও শোক তাপ ব্যথা ভরা নরদেহ ধারী

মৃত্যুর অধীন ।

আছে প্রহরণ—

সংজ্ঞা লুপ্ত করিব তাঁহার ।

শুধু রবে নয়নের জল

আর মাত্র দুটি—

পদ্ম-পলাশ লোচন সম্বল ।

বিভীষণ । বাখানি তোমারে পুত্র,

বাখানি বীরত্ব তোর ।

আয় তবে কুমার আমার—

লঙ্কার গৌরব সূর্য্য অঙ্কিত পতাকা ল'য়ে

দে ত' বুঝাইয়া—

লক্ষ্মণে স্ত্রীবে আর দাঙ্কিক অঙ্গদে—

বীরশূন্য নহে লঙ্কা—বীর প্রসবিনী ।

তরুণী । আশীর্ব্বাদ কর তবে পিতা—

মনস্কাম পুরাই তোমার ।



পিতা ! পিতা ! একবার ডাকি প্রাণ ভ'রে  
 একবার ডাকগো আদরে । ( বিভীষণকে জড়াইয়া ধরিল )

বিভীষণ । পুত্র—পুত্র তরণি আমার—  
 তরণী । আর নয়—আর নয়—নাহিক সময় আর—  
 কর আশীর্বাদ—বিদায়—বিদায়—  
 ঐ ডাকে বাহিনী আমার ।

[ প্রস্থান

বিভীষণ । আশীর্বাদ—আশীর্বাদ—  
 শক্তি কই—ভাষা কই—  
 রসনায় জড়তা এসেছে—  
 জাগো শক্তি—  
 জাগো মোর সকল তপস্বী  
 সর্ব কৰ্ম—ধৰ্ম জীবনের—  
 দাঁড়াও সম্মুখে—  
 প্রাণাধিক পুত্র আজ চলিয়াছে রণে ।  
 যাও পুত্র—  
 এখনও বহুদূর তব দেবালয়  
 বিগ্রহ বিরাজে যথা  
 আগ্রহে ধরিতে বুকে তোমা—  
 যাও পুত্র—  
 পরিখা, প্রাচীর, দুর্গজ্য প্রাঙ্গণ  
 একে একে পার হ'য়ে যাও ।  
 আশীষ এখন নয়—  
 দেবালয়ে পৌছিবে যখন

বিগ্রহে তুষিবে যবে বীরের পূজায়  
 আশীর্বাদ করিব তখন,  
 ব'লে দেব কি করিতে হ'বে—  
 ( তরুণীর প্রবেশ )

[ প্রস্থান

তরুণী । ছার কপি সৈন্য সনে রণ  
 মূর্ছা যায় আখির পালটে ।  
 কোথায় শ্রীরাম—  
 কে দেখায়ে দেবে—  
 রণসাধ কে মিটাবে মোর ।  
 ( ছায়ামূর্তির আবির্ভাব )

কে—কে—যায় !  
 ছায়ামূর্তি ধরি বারে বারে  
 কে মোরে উত্ত্যক্ত করে  
 একাগ্রতা ভেঙ্গে দেয় মোর !  
 অমঙ্গল আশঙ্কায়—পিতা—  
 এল কি জননী—  
 কিঙ্ক শত্রু—শ্রীরামের চর ?  
 আবার—আবার—  
 যেন হও—দেহ পরিচয় ।  
 হবে না প্রকাশ ?  
 ছায়ামূর্তি বিদ্ধ করি বধিব তোমায় ।  
 ( ধনুকে শর যোজনা ও ছায়ামূর্তি পরিত্যাগ করিয়া  
 রাবণের স্বরূপে প্রকাশ )

রাবণ । আমি—আমি বৎস—

তরনী । মহারাজ !  
 রাবণ । নহি মহারাজ,  
 আমি জ্যেষ্ঠতাত তোর—কুমার আমার ।

তরনী । বুঝিলাম মহারাজ,  
 সন্ধিহান চরিত্রে আমার তুমি ।  
 অলক্ষ্যে আমার  
 আসিয়াছ নিরথিতে গতিবিধি মোর ।  
 এসেছ দেখিতে  
 মিলিত হ'য়েছি আমি শ্রীরামের সাথে ।

উত্তম—

করিলাম অস্ত্রত্যাগ—রণপরিহার ।

( অস্ত্র ত্যাগ )

রাবণ । তাই করু—ফিরে যা তরনী—  
 সেনাপতিত্ব আমারে দে  
 ফিরে যা লঙ্কায় ।

তরনী । কাঁদিলাম কাতর হইয়া  
 বক্ষ দীর্ণ করি দেখালাম অস্তুর আমার  
 বিশ্বাস না কর তবু !  
 পিতা ! পিতা !  
 মুক্ত হও—মুক্ত হও দেব !  
 মহারাজ, ফিরিব না আমি  
 করিব না অস্ত্রত্যাগ ।  
 নিষেধ না করি তোমা—রহ সাথে সাথে,  
 তরণীর কীর্তি বা অকীর্তি  
 হের মহারাজ !

রাবণ ।

ওরে—তা নয় রে নিষ্ঠুর—

বিদায় দিয়াছি তোরে

পারি নাই নিশ্চিন্ত রহিতে ।

এই দেখ্—

অস্ত্র আমি সঙ্কোপনে রেখেছি সঙ্কিত ।

দৈব দুর্কিৰপাকে—

অস্ত্র শূন্য হ'স যদি তুই—

তুলে দিতে অস্ত্র তোর হাতে—

আর—আর—বিধি যদি হয় বাম'

বিপদ যত্বপি আসে

তবে—তবে—

ঐ কোমল বক্ষের আগে—

এই বক্ষ মোর

পেতে দিতে এসেছি ছুটিয়া ।

না—না—কাজ নাই—ফিরে যা তরণি !

অতীব কদর্য আমি—

কহিছে অস্তুর যেন স্পষ্ট ভাষায়

অতি হীন—অতি হীন আমি,

জিঘাংসায় হ'য়েছি উন্মাদ ।

বিপক্ষ শিবিরে ফেরে শত্রু বিভীষণ

পুত্রে তার ক'রেছি বরণ

সেনাপতি পদে—

নহে মুক্ত জয় আশে ;

হীন প্রতিশোধ যেন সঙ্কল্প আমার !

যাক্ রাজ্য—ফিরে যা তরণি !  
নর বানরের করে দিতে হয় প্রাণ  
দেব অকাতরে ।

এই হীন আচরণ—  
আত্মহত্যা পারি না করিতে ।

তরণী ।

তুমি হীন—!  
স্বর্ণ কিরীটিনী লঙ্কা,  
তুমি শিরোমণি তার—  
ব্রাস দেবতার,  
কাত্যায়নী বরপুত্র তুমি ।  
পায়ে ধরি জ্যেষ্ঠতাত !  
নিশ্চিন্তে ফিরিয়া যাও ।  
স্বাধীনতা একটি দিনের  
হরণ ক'র না তুমি !  
যদি জয়ী হই  
আবৃত আমারে করি—  
বিজয় গৌরব মোর  
খর্ব্ব ক'রে দিও না রাজন ।  
মরি যদি—  
—না না—নির্ভয়ে ফিরিয়া যাও ।

রাবণ ।

( তরণীর মস্তকে হস্ত দিয়া ) আশুতোষ—আশুতোষ,  
এমন কাতর কণ্ঠে  
বুঝি প্রভু ডাকিনি কখনও—  
ভুলে যাও অপরাধ, রক্ষা কর তরণীরে—

আত্মগানি হ'তে বাঁচাও রাবণে প্রভু !

[ প্রস্থান

তরনী । যাও জ্যেষ্ঠতাত !  
আজি শেষ দিনে  
বিমুক্ত করিয়া গেলে মোরে ।  
বুঝিতে অক্ষম—  
এতখানি প্রাণ লয়ে কেমনে হরিলে সীতা !  
অবসর নাহি আর—  
পাবনা স্তনিতে  
অস্তুর নিহিত গৃহ—মর্ম্ম কথা তব—  
স্বগভীর উদ্দেশ্য তোমার—

( প্রস্থানোত্তোগ )

( অঙ্গদের প্রবেশ )

অঙ্গদ । কোথা যাবে— অশিষ্ট বালক ?

তরনী । আবার এসেছ ?

ছিঃ ছিঃ ছিঃ—

অতি তুচ্ছ বাণের আঘাতে

দেহের সমস্ত রক্ত

দেহ ফেটে এসেছে বাহিরে—

আবার এসেছ !

অঙ্গদ । হাঁ—হাঁ—এসেছি আবার—

আসিয়াছি পরিচয় দিতে ।

তরনী । তুমি ত অঙ্গদ—

পরাজিত দুই—দুইবার—

পরিচয় যথেষ্ট তোমার ।

- অঙ্গদ । শুধুই অঙ্গদ নহি—  
মহারাজা বালি পুত্র আমি !
- তরণী । কৃতজ্ঞ হে যুবরাজ—
- অঙ্গদ । কোন্ বালি—জান কি বালক ?
- তরণী । জানি—জানি—  
সাধু ভাষা—বালু যাহে কহে—  
তপ্ত হ'য়ে উপহাস যে করে তপনে ।
- অঙ্গদ । সত্য—ক'রেছিল উপহাস ;  
যে দেশের সামান্য বালক তুমি  
সে দেশের মহারাজা—রাবণেরে  
নিমজ্জিত ক'রেছিল—ঐ সাগরের দলে ।
- তরণী । হ'য়েছে উত্তম—ঋণ পরিশোধ হ'ল আজ ।
- অঙ্গদ । না—না—নিজস্ব শক্তিতে পরাভূত করনি আমারে ।  
জান—যাদুমন্ত্র কোন ।  
যাদুমন্ত্র কেড়ে নেব আমি,  
পরাজিত করিব তোমারে ।
- তরণী । সাবধান অঙ্গদ—ছাড় পথ ।  
আসি নাই দক্ষ মুখ কপি সাথে করিবারে রণ ।  
বল—কোথায় লুকায়ে রাম ?  
পুরস্কৃত করিব তোমারে ।  
শিখাইব—যুদ্ধের কৌশল ।
- অঙ্গদ । উদ্ধত বালক—
- ( অজ্ঞাঘাত ও যুদ্ধ—অঙ্গদের পরাজয় )
- তরণী । যাও—যাও—ক্লান্ত তুমি লভগে বিক্রাম— [ প্রস্থান

অঙ্গদ ।      ওঃ—ওঃ—কে আছ—কে আছ—  
 জল—এক বিন্দু জল ।  
 না—না, এ পিপাসা নয়—  
 অপমান মর্শ্বজ্বালা ।  
 উঠ হে অঙ্গদ, বালি পুত্র তুমি—বীর ।  
 শত সেনাপতি বেষ্টিত রাবণের  
 শির হ'তে একদিন  
 এনেছিলে মুকুট খুলিয়া—  
 আর আজ—দুঃখপোষ্য বালকের হাতে  
 এই পরাজয়—  
 না—না আর একবার—আর একবার  
 আমি দেখিব বালকে—

[ প্রস্থান

( রামচন্দ্রের প্রবেশ )

রাম ।      পরাজয়, পরাজয়, চারিদিকে আজ পরাজয়—  
 রক্ষঃ শিশু আসিয়াছে রণে—প্রতীতি না হয় ।

( ধনুর্কাণ হস্তে তরণীর প্রবেশ )

তরণী ।      ( রামকে দেখিয়া ) এতক্ষণে পেয়েছি বোধ হয় ।  
 দেখি—দেখি—

ভুল নয়, ভুল নয়, পেয়েছি নিশ্চয় !

রাম ।      ওঃ—তাই পরাজয় !  
 তাই বলি—বড় বড় রক্ষঃ রথী গেল,  
 রক্ষঃ শিশু এল কোথা হ'তে—এতদিন পরে,  
 ত্রিদিব লাহিত শক্তি—রূপের ভরদে তার !



তরঙ্গী ।

রাবণের সাধনার ফল,  
 এ যে শিব নেত্রানল—  
 মা দুর্গার স্নেহের প্রতীক,  
 দেব সেনাপতি এ যে—কুমার কার্তিক !  
 রূপ না এ ছবি ! এ যে রূপের ভাণ্ডার !  
 ইন্দ্রধনু আলো করা এ যে চিত্র-পট,  
 এ যে একত্রিত মঙ্গমুগ্ধ সৌন্দর্য্য বিশ্বের—  
 নবদুর্বাদল—একি শ্রাম শোভা,  
 মনোলোভা একি হাসি,  
 করুণায় গ'লে পড়া—জলে ওঠা গরিমায়  
 এ কি চক্ষু—আকর্ষণ বিকাশি !  
 এ কি গ্রীবা, এ কি স্বরূপ, এ কি কণ্ঠস্বর,  
 এ কি বাহু লঙ্ঘিত স্পর্ধায়,  
 বিলম্বিত, রোমাঞ্চিত—এ কি এ জটায়—  
 উগারিয়া হলাহল—ভোগ যেন আজ  
 সর্বত্যাগী আনন্দে ঘুমায় !  
 ( প্রকাশ্যে ) দেখি—দেখি—পা দুখানি দেখি—  
 পাষণী মানবী হ'ল—কাষ্ঠ তরী হ'ল স্বর্ণনয় !  
 ( চরণের দিকে লক্ষ করিয়া—সোৎসাহে )

রাম ।

রামচন্দ্র, রামচন্দ্র—তুমি রামচন্দ্র ।  
 আর তুমি কুমার কার্তিক—দেব সেনাপতি  
 রাবণের সেনাপতি আজ,  
 অস্ত্রপাণি রামের বিনাশে ।  
 দেবাদিদেব, ত্রিশূলী শঙ্কর,

ভয়ঙ্কর রাম যদি পৃথিবীর ভার,  
 প্রয়োজন যদি প্রভু, বিনাশ তাহার,  
 কেন প্রভু, এত আয়োজন ।  
 কেন না বলিলে একবার—ইঙ্গিত না কর কেন  
 ফেলে দিই ধমুর্কাণ—,

তরণী ।

একি ভুল—একি ভুল—কোথায় কার্তিক ?  
 বুঝলাম—এই ভুলে—ছুটেছিলে তুমি  
 নারীচেব পিছু—স্বর্ণ-মৃগ ভ্রমে !  
 কোথায় দেবতা ! কে আসিবে—শক্তি কোথায়—?  
 দেবতা বিজয়ী বীর রাবণ ছুয়ারে  
 বন্ধ তারা—তারা ক্রীতদাস—  
 কেহ কাটে ঘাস—কেহ তোলে জল,  
 নালা গাঁথে, আলো দেয়—  
 অশ্বপাল, গোপাল বা কেহ ।  
 নহিকো কার্তিক আমি—  
 নহি কোন দেবের কুমার—  
 ক্ষুদ্র এক রাক্ষস বালক  
 পালিত রাবণ অয়ে ।

রাম ।

রাক্ষস বালক—!  
 না—না—কত এল, চলে গেল মহা-মহা-রথী—  
 এল আজ রাক্ষস বালক ! অসম্ভব—

তরণী ।

তাই হয়—তাই হয়,  
 সর্প হ'তে শিশু সর্প অতি ভয়ঙ্কর ।  
 এল রাজা, কত মহারাজা, কত বীর, কত মহারথী—

শ্রোত, যুবা, শক্তি-বৃদ্ধ কত ।

কীৰ্ত্তি খ্যাতি—ভুবন বিস্তারি ;

হরধনু তুলিতে অক্ষয়—

ভঙ্গ করা সেত বহুদর !

কোথা হ'তে এল শিশু বাজায়ে ডমরু

শিবের গুরু মত,

ভয়ে ধনু হইল দুখান !

তুমি—তুমি নাকি বালক বয়সে

ভার্গবের মেরুদণ্ড ভেঙ্গে দিয়েছিলে ?

কত ঋষি, কত মুনি, যোগী, যতি কত

এল—গেল

বিশ্রাম করিবা গেল—পাষণ বেদার 'পরে—

পাষণ—পাষণী র'ল ।

কোথা হ'তে এল শিশু বাজায়ে হুপুর

সুরে সুর—তন্ত্রী স্পর্শে উঠিল সঙ্গীত,

পাষণী মানবী হ'ল !

তুমি—তুমি নাকি ক'রেছিলে অহল্যা উদ্ধার ?

তবে কেন অবহেলা বালক বলিয়া ?

জানিত না ভার্গব যেমন—

জাননাক, তুমিও তেমন,

আমা হ'তে—হ'তে পারে অসাধ্য সাধন ।

লক্ষা জন্মভূমি মোর—আমি স্বাধীন বালক,

রাবণ আমার রাজা—

যুদ্ধে সাজা লক্ষা রক্ষা করে । )

যুদ্ধ গেছে—প্রোচ গেছে—যুবা কেহ নাই

তাই আজ এসেছে বালক ;

যুদ্ধ দাও—যুদ্ধ দাও—

বৈরী তুমি—

প্রতিদ্বন্দ্বী আমি—

রাম ।

না—না—না—যুদ্ধ নাহি হবে আর ।

কার্তিকেয় নহ যদি—

তুমি কোন দেবতা প্রধান

বালকের ছদ্মবেশে !

কোন অপরাধে অপরাধী আমি

দেবেশ্বর সমাজে আজ,

ব্রহ্মা বিষ্ণু কিষ্ণা মহেশ্বরে

দিয়াছি বা কোন ব্যথা ;

দেব-রোষ তুমি—রাবণের সেনাপতি রূপে ।

প্রিয় হ'তে অতি প্রিয়—জানকী আমার

মরিলেও বুঝি না ভুলিব ।

সহিব, সহিব তবু—

সীতা তরে—দেবদেবী নাহি হব ।

যাও বীর—যুদ্ধ শেষ পরাজিত আমি—

[ প্রস্থান

তরণী ।

চ'লে যান—চ'লে যান রাম—

সৃষ্টি যেন যায় পাছে পাছে,

আগে আগে সমস্ত আলোক !

রূপ রস গন্ধ অগতের

পায়ে পায়ে চ'লেছে জড়িয়ে !

চ'লে যান চ'লে যান রাম—

চোখ ছুট' উপাড়িয়া মোর—সয়ে যান যেন !)

যাও যাও—দেখি ক্ষণকাল ;—

কিস্তি যাবে কতদূর—নহে বহুদূর আর ।

এখনি ফিরাব ।

বাণে বাণে বিদ্ধ করি জ্বর জ্বর করিব তোমায়—

অজগর গর্জন তুলিয়া, ফিরিয়া দাঁড়াবে তুমি,

আর আমি—চরণ হইতে বক্ষে—বক্ষ হ'তে শিরে—

তীবে তাঁরে সাজাব তোমায়—

[ প্রস্থান

( রাবণের প্রবেশ )

রাবণ ।

আবার বাজিল রণ—

ঐ ঐ মূচ্ছ। গেল—মূচ্ছ। গেল—

নল নীল পড়িল অঙ্গদ—

পলায় স্ত্রীগ্রীব—আহত মারুতি,

বণে ভঙ্গ উর্দ্ধশ্বাসে ছুটেছে লক্ষ্মণ ।

একা রাম—সম্মুখে তরণী—হাসে খল্ খল্ ।

প্রেরে প্রাণাধিক—

লক্ষা হ'তে সুদূর অযোধ্যা—গড়িব নূতন রাজ্য—

তুই তার রাজ্য—নহে মেঘনাদ ।

[ প্রস্থান

( বিভীষণ ও অণ্ডালিক হইতে লক্ষ্মণ, মারুতি, অঙ্গদ ও স্ত্রীগ্রীবের প্রবেশ )

লক্ষ্মণ ।

রক্ষা কর—রক্ষা কর মিত্র বিভীষণ,

বালকের হস্ত হ'তে

রক্ষা কর প্রাণ মান রাঘবের—

( নিশ্চলভাবে বিভীষণের অবস্থান )

সুগ্ৰীব । বিভীষণ ! বন্ধু !—

বিভীষণ । কে ? সুগ্ৰীব,—অঙ্গদ—

বীর শূন্য লঙ্কার এক বালকের হাতে

পরাজিত—এসেছ পলায়ে ?

অঙ্গদ । ক্ষমা কর—ক্ষমা কর—

বল—বল—কে এ বালক ?

বলে নাও বধেব উপায় ।

বিভীষণ । দেব, দেব—বলে দেব বধেব উপায়—

তা ছাড়া উপায় কিবা ?

বহুমূল্যে কিনিয়াছি ঘর-শত্রু নাম,

বিনামূল্যে বিকাইয়া দেব ।

লক্ষ্মণ । বিভীষণ—মিত্র বিভীষণ ।

বিভীষণ । যুদ্ধ দেখ, যুদ্ধ দেখ শ্রীবামেব—

আর ভয় নাই—

হের, কি ভীষণ রুদ্ধ বাণ শ্রীবামেব হাতে !

বৃষ্টি শেষ—বৃষ্টি শেষ—কোথাব তরণী—

লক্ষ্মণ । কোথা শেষ—ঐ ত' তরণী—

ছাড়িল চিকুর বাণ—

স্বর্গালোকে ভাসিল ধরণী ।

বিভীষণ । লক্ষ্মণ ! লক্ষ্মণ !

ছুটে চল, রক্ষা কর রামচন্দ্রে—

পরাজিত, পলায়িত বালকের রণে—

( রক্তাক্ত কলেবরে রামচন্দ্রের প্রবেশ )

রাম । বিভীষণ ! মিত্র বিভীষণ—

বিভীষণ ।

প্রভু ! প্রভু ! একি হয়েছে প্রভু !

এ যে রক্তে রাঙ্গা হয়ে গেছে দেহ !

রাম ।

রক্ত নয়—রক্ত নয়—মিত্র বিভীষণ !

রক্ত চন্দনের ধারা

সারা দেহ লিপ্ত করে দেছে

প্রিয় ভক্ত বৃষি মোব !

সখা, সখা,

অস্ত্রে অস্ত্রে যোঝে না বালক—

হাসি দিয়ে যোঝে ;

আমি হানি শর—

জঙ্ঘব আগারে করে আঁথির প্রহারে !

আমি সিঁধি বক্ষ তার—

সে সিঁধে চরণ !

ক্রান্ত কণ্ঠে ককশ চৌৎকাবে,

আমি কহি তারে—দুরাত্মা-দুর্জন—

বীণা-বিনিন্দিত হবে সে ডাকে আগারে—

কোথা রাম রঘুগণি কমললোচন !

সখা ! , অশুরোধ—শেষবাব জিজ্ঞাসি তোনারে

বল,—বল—কে এ বালক—

ঐ ঐ আসে—রক্ষা কর বিভীষণ

নিবার বালকে—পরাজিত আমি—

( তরণীর প্রবেশ )

তরণী ।

কে রক্ষিবে ? ঘন শত্রু রক্ষিবে তোমায় !

হাসি পায় ; এও আশা কর !

ঘৃণা হয়—ঘৃণা হয়—  
 ধর্ম যার নাই—  
 কর্ম যার আত্মীয় সংহার—  
 অঞ্চল ধরেছ তার—এত হীন তুমি !  
 অঞ্চ প্রচার, দেশে দেশে মুখে মুখে  
 তুমি নাকি নারায়ণ—  
 আসিয়াছ করিবারে ভূভার হরণ !  
 তব অঙ্গ স্পর্শে অসাধুও হয় নাকি সাধু,  
 জলে ভাসে শিলা !  
 তবে, ঘর শত্রু এখনও ঘর শত্রু কেন ?  
 নামে তার নরকের কেন কলরব ?  
 কেন বিশ্ব করিতেছে নাসিকা কুঞ্চন ?  
 তথাপিও নারায়ণ যদি—  
 আমি বলি—সৃষ্টি ছাড়া তুমি  
 লক্ষ্মী ছাড়া তুমি নারায়ণ ।  
 দেহ রণ—দেহ রণ ।

রাম ।

উপেক্ষা করেছি বুঝি বালক বলিয়া  
 তাই বুঝি বেড়েছে সাহস ?  
 চরণের ধূলা তুমি—উঠেছ গাথায়—  
 আরে রে দুর্কৃত্ত !

তরুণী ।

নিবৃত্ত—নিবৃত্ত হও—  
 ও বাণের হবে না সাহস ।  
 নহি আমি জীর্ণ হরধনু—  
 তাড়কা নহিক আমি—খর বা দূষণ



মৃগ চক্ষুে ঢাকা নহি মারীচ রাক্ষস !

বজ্রদংষ্ট্র, মকরাক্ষ নহি অতিকায়—

অকালের কুস্তকর্ণ নহি—

অহি আমি—কালকূট আমার কণাঘ,

ঘনায় তোমার মৃত্যু— ( উপযুঁপরি বাণ নিক্ষেপ )

বিভীষণ । ( স্বগত ) আর নয়—আর নয়—পারিনা দেখিতে আর—

মুদ আঁখি—যেখানেতে যত পিতা আছ—

বিভীষণ হইবে ভীষণ—

( প্রকাশে ) প্রভু, প্রভু, কেন ভোল ব্রহ্মবাণ ?

এই নাও—এই নাও বাণ—মৃত্যুবাণ তার—

সংহার—সংহার—

( শ্রীরামের তুণ হইতে বাণ লইয়া শ্রীরামের হস্তে দিল )

রাম । সৃষ্টি লোপ করা এষে ব্রহ্মবাণ !

অকালে বালক বক্ষে হানিব কেমনে ?

তরুণী । নতুবা উপায় কিবা কোথা পরিত্রাণ—

অব্যর্থ যে আমার সন্ধান ! ( বাণ নিক্ষেপ )

বিভীষণ । আর দেবী নয়—হান ব্রহ্মবাণ—

( শ্রীরাম ব্রহ্মবাণ ঘূড়িলেন—তরুণী স্ফীত বক্ষে রামের সম্মুখে দাঁড়াইল )

তরুণী । এস বাণ, আমারে অমর কর—

কর পিতৃদানে ভাগ্যবান !

( শ্রীরামের বাণ নিক্ষেপ—তরুণীর পতন )

নারায়ণম্ জগন্নাথম্—

জানকী হৃদয়ানন্দ বর্ধনম্

রঘুনন্দনম্—

বিভীষণ । ( অশ্রুট আর্জুনাদে ) তরণি—তরণি— ( বিভীষণ মৃচ্ছিত হইল )

রাবণ । ( নেপথ্যে ) মম্বর মম্বর বাণ—

মের না—মের না—বিভীষণ পুত্র যে তরণী ।

( রাবণের প্রবেশ )

কি করিলে—কি করিলে—

মিত্র পুত্রে মারিলে ঘাতক !

'ওহে'—হো—

পড়েনি তরণী আড়—প'ড়েছে রাবণ—

( রাবণ তরণীর বক্ষে পড়িল ,

মারুতি । প্রভু ! এষে নিজে দশানন !

রাম । বিভীষণ পুত্র এ বালক !

মারুতি । অবশেষে পুত্রহীন করিলে কি বিভীষণে !

তরণী । শ্রীরাম—শ্রীরাম—শ্রীরাম—

রাবণ । পরে—পরে—তবে কি আচিস পেঁচে !

কুমার আমার—

চিন্ন কণ্ঠ, নিম্পন্দ, শীতল—কোথা প্রাণ !

তবে—তবে—কে ডাকে—শ্রীরাম—

তরণীর কণ্ঠস্বরে কে করে রাম নাম !

( রামের দিকে স্থির দৃষ্টিতে চাহিল )

রাম । বারে বারে এত ক'রে ক'বিসু জিজ্ঞাসা

বলিলে না একবার !

নিজ হাতে মৃত্যুবাণ তুলে দিলে করে

ডুবালে নরকে ।

কি বলিব তোমা—রাক্ষস না দেবতা !

কে আমি—কে আমি—  
 সমস্ত জীবন ভ'রি কাঁদায়ে চ'লেছি  
 পিতা মাতা ভাই বন্ধু আত্মীয় স্বজন—  
 কে আমি—কে আমি—  
 বলিতে কি পার মহারাজা দশানন,  
 অভিশপ্ত কে আমি ভূতলে ?

বাবণ । তুমি নারায়ণ—তুমি নারায়ণ—  
 নাম । কম্পিত করিলে মোরে—আমি নারায়ণ—  
 বাবণ । না হবে যতপি—  
 পুত্র শোকে গ'লে যাই আমি—  
 আর কোথা হ'তে এই শক্তি পায় বিভীষণ—  
 নিজ হস্তে নিজ পুত্রে করে সে নিধন !  
 এতদিন ছিলে তুমি সামান্য রাঘব—  
 আজ সত্য—তুমি নারায়ণ ।

বিভীষণ । কে বলে—কে বলে—নারায়ণ ?

বাবণ । তো'র নামে—“নারায়ণ”—বলিছে বাবণ ।  
 আমরণ বহিবে স্বরণ—  
 প্রত্যাহার করিবে না আর,  
 বলিবে না আর, ধর্মদ্রোহী ঘর-শত্রু বিভীষণ  
 বাজ্য লোভে এসেছিল ছুটে  
 শত্রু পদ করিতে সেবন !  
 নিজ হস্তে নিজ পুত্র-বলি—  
 শত রাজ্য পদতলে দলি  
 ধর্মেরে করিলি সংস্রাহীন ।

তবু তবু বলি—বুক ফেটে যায়—

কি করিনি বিভীষণ !

লঙ্কার স্বর্ণ চূড়া নিজ হস্তে ক'রে দিলি ধূলিসাৎ !

বীরের অর্চনা দিয়া—

বন্দী ক'রে লয়ে যেতে যে পারিত নারায়ণে,

বিনাশিলি—সেই কীর্তিমাণে !

দেখ্ বিভীষণ—অধোমুখে তোর নারায়ণ,

সজল নয়ন,

স্পর্শিতে অক্ষয়—রক্ত মাথা তোর পূজা ডালি—

স্পর্শি তোর—নারায়ণে কাঁদাইলি !

বিভীষণ । বলিয়াছ—নারায়ণ ।

তবে এইবার ফিরে দাও সীতা ।

রাবণ এতদিন যদি বা দিতুম—আর নাহি দিব ।

দিব কাকে—কোথা সীতা আর !

সে লক্ষ্মী আমার !

কতু ভয়ে, কতু বা নির্ভয়ে—সন্দেহে সংশয়ে কতু

চলিয়া এ দীর্ঘ পথ—

উপনীত আজ আমি বৈকুণ্ঠের দ্বারে ;

আমারে কিরিতে বল !

“ভেঁগ মোরে”—“ভালবাস” বলিয়াছি এতদিন—

আজি হতে “মা” বলে ডাকিব,

সরমার মত রব অশোক কাননে ।

বিভীষণ । আবার বাধাবে যুদ্ধ—বহাবে শোণিত,

তরণীরে ভুলিতে না দিবে ?

রাবণ ।

ভুলিব তাহারে ।

থাকিব সেথায়—

যেথা আর ফিরিবেনা তরনী আমার !

যাও নারায়ণ, সম্পূর্ণ প্রস্তুত হও ।

ভয়াবহ যুদ্ধ হবে—

লক্ষ্মী পাশে নারায়ণে বাঁধিয়া লইয়া যেতে

পারিব না আমি—মরিব নিশ্চয় ।

কিন্তু যুদ্ধ হবে অতীব ভীষণ—

এতটুকু শক্তি আর রাখিতে না হবে

আত্মরক্ষা তবে মোর ।

পূর্ণব্রহ্ম যদি—তুমি নারায়ণ,

পূর্ণ শক্তি আমিও রাবণ—

ভেটি আমি সমরে তোমার ;

আমারে উদ্ধার কর—

লক্ষ্মী ছাড়া—সীতা ছাড়া—কারিব না আগে ।

রাম ।

শকায় না যাই আমি ফিরে—

যে যুদ্ধ ক'রেছি আজ—মিটে গেছে দাপ তার ।

আমরণ কেন—আপ্রলয় রাখ তুমি সীতা ।

বন্ধু ভাবে দাও হে বিদায়—

আমি যাই ফিরে—

( সরমার প্রবেশ )

সরমা ।

কে যায় ফিরে—কই যায় ফিরে—কই গেল ফিরে

কেউ ত ফিরে না আজ !

কোন পক্ষে হয়নি কি জয় !

প্রতিদিন এগনি সময়—

ঘুরে ফিরে উঠে রাম-জয় নাদ

বাদ কেন আজ !

ওঃ—রাগসের জয় বুঝি এল ফিরে আজিকে প্রথম !

তবে সেনাপতি—কই এল ফিরে—?

ওগো—ওগো—কে তোমরা—চুপ ক'রে কেন ?

ফিরে চাও—বল গো আমায়—

পরাজয় কার—জয় এল কার ফিরে ?

বল—বল—তরনী বেড়ায় কোথা ফিরে ?

কেহ নাহি কথা কয়—কেহ নাহি চাষ ফিরে—

তবে কি ডুবেছে সে—

ওপারের আলো মোর—ফিরে কিগো গেছে ওই পারে—

( সহসা তরনীর মৃতদেহ দেখিতে পাইয়া )

ওরে—ওরে—তরনি আমার—

( তরনীর বক্ষে আছড়াইয়া পড়িল—পরে উঠিয়া )

না—না—কাদিব না আমি, কাদিব না—

কাদিতে নিষেধ ও যে ক'রে গেছে মোরে—

কি করিব, কি করিব তবে—?

উখলিয়া উঠে অশ্রু ডুবাতে আমারে চায়—

কি করিব—কি করিব আমি—

রাম ।

দেবি ! আমি রাম অভাগা জগতে,

পুত্রহীনা আমি আজ করেছি তোমায় ।

দশানন ! রাজা দশানন !

বধ কর—বধ কর মোরে—

- সরমা । না—না—কেন ব্যথা, কেন অভিমান ?  
 কাঁদিনি ত আমি—  
 দেখ ভাল করে, এ অশ্রু—সে অশ্রু নয় ;  
 উদ্গত এ ধারায় ধারায়—  
 গোমুখী নিঃসৃত পূতঃ গঙ্গা বারি যত  
 ধুয়ে দিতে চরণ তোমার । ( রামচন্দ্রের পদতলে পতন )
- বাম । লঙ্কেশ্বর—নাহি চাই সীতা,  
 মানি পরাজয়, যাই আমি ফিরে—
- বাবণ । বীৰ মাতা, বীর জায়া, কাঁদিও না দেবি ।  
 পুণ্য-কীর্তি বিধাতার দান,  
 পুত্র তব অমরত্ব পেয়েছে সম্মান ।  
 এস দেবী ঘরে—  
 অদৃশ্য গথিত ক্ষুদ্র লঙ্কার আকাশে  
 তুমি ছিলে মাগো—পুণ্যের কনক বেথ —  
 দেখা দিতে মাঝে মাঝে  
 উষার কনক জ্যোতি লয়ে ;  
 অশোকের বন হ'তে পালাত' বাবণ ।  
 তরণীরে দিলি না বিদায়,  
 কাঁপিল না ও দেহ বলরী,  
 পড়িল না দীর্ঘশ্বাস—  
 চুপে চুপে পাছে পাছে তোর  
 ছুটে গেল অশোক কাননে—  
 হেরিলাম সে কি দৃশ্য !  
 নিরীকার তুমি—সেবিতেন সীতার চরণ ।

মুহূর্ত্তেকে হারানু সশ্বিং,

চেতনা আসিল যবে—উর্দ্ধ্বাঙ্গে ছুটিলাম—

পশিলাম বগস্থলে—ফিরাইয়া দিতে তরণীরে—

হ'লোনা জননী!

কিন্তু ভুলে কি গিয়েছ মাতা,

অন্ধকারে ডুবে গেছে অশোক কানন

কাদে সীতা তোমার বিহনে! ) ( সরমার চমক ভাঙ্গিল )

আয় মাগো, আয় ফিরে ঘরে,

জলেনি সন্ধ্যার দীপ তুলসীর মূলে,

শোভেনি সিন্দূর মাগো লক্ষ্মীর কপালে।

আয় মাতা, আয় ফিরে ঘরে—।

( সরমা রামচন্দ্রকে প্রণাম করিল, পরে বিভীষণকে এবং পরে  
রাবণকে প্রণাম করিল )

সরমা । চল প্রভু!

রাবণ । চল মাতা!

আসি তবে নারায়ণ—

দেখা হবে আবার প্রভাতে

শক্তিশেল হাতে—

[ সরমাকে লইয়া প্রস্থান

রাম । বিভীষণ—বিভীষণ—

( বিভীষণকে বক্ষে জড়াইয়া ধরিলেন )

অন্বিনিকা





# শ্রীসুরেন্দ্রনাথ বন্দ্যোপাধ্যায় প্রণীত

কয়েকখানি অভিনীত যুগান্তকারী থিয়েটারের নাটক

**কুরুক্ষেত্রে শ্রীকৃষ্ণঃ**—বিজয়তের সেই মুকুট মণি, বশোদার সেই নন্দ ছুলাল, সেই ননীচোর, সেই বংশীবাদক রাখাল বালকের পাঞ্চজন্ম শঙ্খ-নিবাদ। মাহার পাদস্পর্শে কুরুক্ষেত্রে ধম্মক্ষেত্র হইয়াছিল—সেই বিরাট চরিত্রের গ্রথিত, চিত্রিত, পরিস্ফুট প্রতিকৃতি। মূল্য ১।০, মাণ্ডল স্বতন্ত্র।

**অ্যালেক্সান্ডার**—অভিনয় দেখিয়াছেন—কিন্তু ভাবিয়াছেন কি—এ নাটকের পরিসমাপ্তি শুধু অভিনয়ে নয়। এ যে মহারাজা পুরুষ রক্তে গড়া একখানা জাতীয় ইতিহাস। সর্কযুগের সর্কজগতের বক্ষস্পন্দন। মূল্য ১।০ এক টাকা চারি আনা, মাণ্ডলাদি স্বতন্ত্র।

**মোগল পাঠান**—মোগল পাঠানের পরিচয় দিবে মোগল পাঠান, মোগল পাঠানের পরিচয় দিবে তাহার দিগ্বিজয়া অভিনয় সমারোহ। মূল্য ১।০ দেড় টাকা, মাণ্ডলাদি স্বতন্ত্র।

**কলিঙ্গ সমুদ্র মন্থন**—সত্যযুগে সমুদ্র-মন্থন হইয়াছিল। “কলিঙ্গ সমুদ্র মন্থনে” বাঙ্গালী কি পাইয়াছে—বাঙ্গালী পাইয়াছে কেরাণীগরি, কণ্ঠাদায়, ডিস্‌পেপসিয়া। বাঙ্গালী আজ বাঙ্গলার অধিবাসী নয়—বাঙ্গালী আজ বাঙ্গলার উপনিবেশী। এই নাটক পাঠ কাঁবয়া কি বাঙ্গালী সচেতন হইবে না? মূল্য ১ এক টাকা, মাণ্ডলাদি স্বতন্ত্র।

**হিন্দু-মুসলমান**—হিন্দু মুসলমানকে কত ভালবাসে, মুসলমান হিন্দুকে কত ভালবাসে, মুসলমানকে বাঁচিতে হইলে হিন্দুকে কত প্রয়োজন, হিন্দুকে বাঁচিতে হইলে মুসলমানকে কত প্রয়োজন তাহা বুঝিতে পারিবেন। মূল্য ১।০ দেড় টাকা, মাণ্ডলাদি স্বতন্ত্র।

**শানিশত্রু**—(অতুলানন্দ রায় প্রণীত) এমন অল্লায়াসে, স্থলভে ষ্টেজ ভোলপাড় করিয়া দিতে অন্ত কোন নাটক আছে কি? দানীয়াবুর বাবর সা—চুনিবাবুর সংগ্রাম সিংহ স্বরণ করুন। আশ্চর্যমণীর সেই অক্ষ ফুলওয়ালী দেলেরার সঙ্গীতময় মর্ম্মরবেদন। কি শুনিতে পাইতেছেন না? মূল্য ১।০ এক টাকা চারি আনা, মাণ্ডলাদি স্বতন্ত্র।

কণ্ঠহার ২, রণভেরী ১।০, মেঘনাদ বধ ১, সেলিনা ৫০, হীরার নথ ৫০, নাকমারি ১০০, ছটাকা ১০০, চাঁদে চাঁদে ১০০

সুলভ কলিকাতা লাইব্রেরী

১০৪, অপর চিৎপুর রোড, কলিকাতা-৬।





